




河東先生集卷第三十五


啓

上廣州趙宗儒尚書陳情啓



本無

宗儒字秉文鄧州穰人



按新史

未嘗為廣州節度使此啓云天

元和四年初以安南都護趙

昌為廣州刺史嶺南節度使則

此啓當是與昌然公作趙大秀

才序亦云尚書由交廣

為刺史必有所據也

某啓某天罰深重餘息苟存

元和五年五月

州永沉窳俟罪朝不圖夕伏謁無路不任荒戀

之誠伏念宗元初授御史之日

貞元十九年閏十二月以

公為監

尚書與杜司空

杜黃裳也

先賜臨顧光耀

里閭下情至今尚增惶惕頃以黨與進退投

竄零陵囚繫所迫不得歸奉松楸

古雅切

哀荒

窮毒人理所極親故遺忘

音望

況於他人朝夕

之急饘粥難繼

饘諸延切亦作餐

宗祀所重不敢死

亡偷視累息已逾歲月伏以尚書德量弘納

義風遠揚收撫之恩始於枯朽敢以餘喘上

累深仁伏惟惻然見哀使得存濟悽悽荒懇

漢音婁恭謹貌一曰勤也

叩穎南望竊以動心於無情之

地施惠於不報之人古烈尚難況在今日而

率然干冒決不自疑者蓋以聞風之日久嚮

德之誠至振高義於流俗之外合大度於古

人之中獨有望於閣下而已非敢以尋常所

向之禮當大賢匍匐之仁

詩匍匐救之。匍音扶又音蒲匍音

伏又蒲墨切

夙夜忖度果於自卜方在困辱不敢

多言伏紙惶恐不勝戰越謹啓

上西川武元衡相公謝撫問啓

元衡字伯衡

蒼憲宗即位蜀新定詔元衡檢  
校吏部尚書兼門下侍郎同平  
章事為劍南西川節度使元和  
八年至自西川啓云伏匿嶺下  
于今七年元和六年作也

某啓某愚陋狂簡不知周防失於夷途陷在

大罪伏匿嶺下于今七年追念往愆寒心飛

魄幸蒙在宥莊子聞在宥天下不聞得自循

省豈敢徹聞於廊廟之上見志於樽俎之際

以求心於萬一者哉相公以含弘光大之德

易坤卦廣博淵泉之量禮記溥博淵泉而時出之不遺殆

汙先賜榮示奉讀流涕以懼以悲屏營舞躍

屏營恐懼之貌不敢寧處是將收孟明於三

敗左傳僖三十三年秦繆公使孟明視將兵

人與師敗孟明于彭衙孟明帥師伐晉

報殺之役戰于彭衙孟明敗績繆公猶用孟

明增修國政次年孟明責曹沫於一舉史記

代晉繆公遂伯西戎魯人也為魯將與齊戰三敗北莊公十三年

與齊桓公盟于柯沫執匕首劫桓公曰齊強

魯弱大國侵魯亦以甚矣桓公乃許盡俾折

膏臏脚之倫鄒陽書司馬喜臏脚於宋卒相  
應侯臏音北則得自拂飾以期效命於鞭

策之下此誠大君子并容廣覽棄瑕錄用之

道也自顧孱鈍孱助山切無以克堪祇受大賜豈

任負戴精誠之至炯然如日炯古迫切拜伏無路

不勝惶惕輕冒威重戰汗交深

謝襄陽李夷簡尚書委曲撫問啓元和

六年四月以戶部侍郎李夷簡檢校禮部尚書為山南東道節

度使啓云襄州節此時也公在永州

某啓當州謂永員外司馬李幼清傳示尚書

委曲委曲書也特賜記憶過蒙存問捧讀喜懼浪

然涕流浪音郎慶幸之深出自望外伏惟尚書

鶚立朝端風行天下入統邦憲出分主憂控

此上游上游猶言重地也式是南服詩式是南服式

也法式凡海內奔走之士思欲修容於轅門之

外季孫之母死曾子與子貢入於其廡而修容焉注云修

容更莊飾也轅轅音躡履於油幢之前幢音躡

警之步蓬瀛海中山曰方丈蓬萊瀛洲皆神仙所居登崑閬

閬風二山名一洲記崑崙山有三角一角正

東名崑崙宮不可得而進也某負罪淪伏聲

銷跡滅固世俗之所棄親友之所遺敢希大  
賢曲見存念是以展轉歔歔音虛晝詠宵興  
願為廝役以報恩遇瞻仰霄漢邈然無由網  
羅未解縱羽翼而何施囊檻方堅雖虎豹其  
焉往不任踊躍懇戀之至謹奉啓起居輕黷  
威嚴倍增戰越

賀趙江陵宗儒辟符載啓宗儒履歷

啓作之時日當先後也符載字厚之蜀都人有奇才以王霸自許

某啓伏聞以武都符載為記室天下立志之

士雜然相顧繼以歎息知為善者得其歸嚮

流言者有所間執左傳願以間執直道之所

行義風之所揚堂堂焉實在荆山之南矣幸

甚幸甚夫以符君之藝術志氣為時聞人才

位未會盤桓固久中間因緣陷在危邦與時

偃仰不廢其道韋臯鎮蜀以載為支使劉闢時為倉曹參軍載為闢真贊

略云行義則固輔仁乃通它年良覲麟閣之中及臯卒闢擅摠留務載亦在幕中闢敗載

素服請罪而崇文以其贊有而為見忌嫉者

行義輔仁之語禮而釋之

橫致唇吻房給事以高節特立明之于朝王

吏部以清議自任辨之於外然猶小人浮議

困在交戟劉向傳今佞邪與賢臣並交戟之內註交戟謂守衛者與此意同

凡諸侯之欲得符君者城聯壤接而惑於騰

沸環視相讓莫敢先舉及受署之日則皆開

口垂臂悵望悼悔譬之求珠於海而徑寸先

得廣雅云有大珠徑二寸已上則衆皆快然罷去知奇

寶之有所歸也嗚呼巧言難明下流多訕一作

未謗司馬遷書云負下自非大君子出世之氣

則何望焉瞻望清風若在天外無任感激欣

躍之至輕躡陳賀不勝戰越不宣謹啓

與邕州李域中丞論陸卓啓公集邕州

李中丞墓誌然非域也陸卓事亦不之見

某啓伏以至公之道施恩而不求報獎善而

不爲功所以振宣幽光激勵頽俗誠大君子

所蓄積也司馬遷報任安書竊見故招討判

官試右衛曹參軍陸卓生稟清操長於吏

理累仕所至至一作隸必獲休聲獲一作有再舉府曹

績用茂著項以狂賊李元慶劫取留後擅樹  
兇徒構災扇禍期在旦夕一夫見刃莫為已  
用而卓以此時特立不懼終翦強暴以寧師  
人既而不幸嬰疾物故不獲一日趨事以受  
其職有功未報有善未錄伏承閣下言論之  
餘每所嗟異優給家屬恩禮特殊行道之人  
皆所欽伏儻錄其事跡奏一贈官使懷憤之  
寃知感恩於地下秉志之士思受命於門庭  
足以勸獎三軍

諸葛孔明出師表獎帥三軍

豈止光榮一

族伏惟不棄狂瞽特賜裁量幸甚幸甚某與  
卓未嘗相識敢率愚直以期至公輕贖威嚴  
伏增戰悚謹啓

謝李中丞安撫崔簡戚屬啓

此非前

中丞乃以下湖南李中丞集凡  
有湖南李中丞啓三此卷有其  
二後卷有其一公在永州正隸  
湖南道故云凡在巡屬蓋其所  
部明矣公作崔簡墓誌卒在  
元和七年正月書又當前云

某啓伏見四月六日勅刺史崔簡以前任賊

罪決一百長流驩州

簡字子敬公之姊夫元和  
初為連州刺史徙永



州未至永而連之人愬簡伏奉去月二十三

日牒崔簡家口牒州安存并借官宅什器差

人與驅使伏惟中丞以直清去敗政以惻隱

撫窮人罪跡暴著則按之以至公家屬流離

則施之以大惠各由其道咸適于中威懷竝

行仁義齊立繩愆糾繆書罔命列郡肅澄清

之風匡困資無闔境知噢咻之德噢威遇切

吁尤切又音煦左傳凡在巡屬慶懼交深伏

見崔簡兒女十人皆柳州之出簡之所犯首

末知之蓋以風毒所加漸成狂易音亦簡

亂目不知畏法坐自桓刑名為賊賄卒無儲蓄

得罪之日簡權曆誌云坐流驩州幼弟訟于

即此百口熬然叫號羸頓不知所赴儻非至

仁厚德深加憫恤則流散轉死期在須臾某

幸被縲囚縲倫久沐恩造至於骨肉又荷哀

矜循念始終感懼無地謹勒祇承人沈澹奉

啓陳謝下情輕贖一本

上湖南李中丞干廩食啓即前啓李中丞也公

河東卷三十一  
書之前也  
一以廩食告之又在前

某啓某嘗讀列子書有言於鄭子陽者曰列

禦寇蓋有道之士也居君之地而窮若不好

士若一使之然乎子陽於是以君命輸粟於

列子列子不受列子說符之文固嘗高其志又讀孟

子書言諸侯之於士曰使之窮於吾地則賙

之賙之亦可受也又恠孟子以希聖之才命

代而出不卓然自異以潔白其德取食於諸

侯不以爲非斷而言之則列子獨任之士唯

已一毛之爲愛孟子揚子取爲我拔一故道

以自免孟子兼愛之士唯利萬物之爲謀故

當而不辭今宗元處則無列子之道出則無

孟子之謀窮則去讓而自求定公穀梁傳求

重請何重乎請人之所以爲人者讓也古之人

至則捧受而不慙不無一作則固爲貪凌苟冒人

矣董生曰明明求財利唯恐困乏者庶人之

事也董仲舒答武帝策是皆詬耻之大者而無所避

之何也以爲士則黜辱爲農則斥逸無伎不

可以為工無貨不可以為商抱大罪處窮微  
音以當惡歲而無廩食又不自列於閤下則  
非所以待君子之意也待一作侍又轉作示伏惟覽子  
陽孟子之說以垂德惠無使惶惶然控于他  
邦詩控于大邦註控引也箋云欲求援引之力助於大國之諸侯重為董生  
所笑則縲囚之幸大矣

上桂州李中丞薦盧遵啓

盧遵公之內弟也公

凡士之當顯寵貴劇則其受賜於人也無德  
集有序送遵遊桂州在元和四年當與此書同時作

心焉何也彼將曰吾勢能得之是其所出者  
大而其報也必細居窮厄困辱則感槩捧戴  
萬萬有加焉是其所出者小而其報也必巨  
審矣故凡明智之君子務其巨以遺其細則  
功業先乎當時聲名流乎無窮其所以激之  
於中者異也若宗元者可謂窮厄困辱者矣  
世皆背去顛頽曠野獨賴大君子以明智垂  
仁問訊如平生光耀囚錮若被文繡嗚呼世  
之知止足者鮮矣既受厚遇則又有不巳之

求以躋閣下之嚴威然而亦欲出其感槩捧  
 戴而効其巨者伏惟閣下留意裁擇幸甚幸  
 甚伏以外族積德儒厚以為家風周齊之間  
 兄弟三人咸為帝者師解在二十四卷孝仁  
 之譽高於他門伯舅叔仲咸以孝德通于鬼  
 神為文士所紀述相國彭城公嘗號于天下  
 名其孝以求其類則其後咸宜碩大光寵以  
 充神明之心乃今凋喪淪落莫有達者豈與  
 善之道老子天道無親常與善人無可取耶獨內弟盧道

行類諸父靜專溫雅好禮而信飾以文墨  
 達於政事今所以聞於閣下者無忤於心無  
 愧於色焉以宗元棄逐姑且槁故不求遠任務  
 顯名而又難乎其進也竊竊高閣下之舉賢容  
 眾故願委心焉則施澤於遵過於厚賜小人  
 也遠矣以今日之形勢而不廢其言論語君子不以  
言舉人不使人廢言使遵也有籍名於天官天官謂吏部獲  
 祿食以奉養用成其志一舉而有知恩之士  
 二焉可不務其巨者乎然惟試詳擇焉言而

無實罪也其敢逃大譴

一本止作言而進退

憲懼不知所裁不宣謹啟

本而中

對意... 夫以今日之濟...

河東先生集卷第三十六

啟

上權德輿補闕溫卷決進退啟

時年十八

德宗聞其才召為太常博士改  
左補闕正元中知禮部貢舉其  
拜侍郎凡三歲甄品詳諦所得  
士相繼為公卿宰相取明經初  
不限負史所載如此韓昌黎有  
燕河南府秀才詩云昨聞詔書  
下權公作邦禎文人得其職文  
道當大行以此觀之則德輿之  
在當時誠多士之龍門也公上  
書求馳聲成名之資基宜矣

補闕執事宗元聞之重遠輕邇賤視貴聽所

由古矣竊以宗元幼不知耻少又躁進拜揖

長者自于幼年是以造後造之末跡造初廁

牒計之下列廁初賈藝求售賈音聞無善價

聞苦壁苦載文筆而都儒林者匪親乃舊率

皆携撫相示談笑見睚尼質啞咿楚詞巡

啞嚙而○啞乙角切為達者啞音無乃覩其

樸者鄙其成狎其幼者薄其長耶將行不拔

異操不砥礪學不該廣文不炳耀實可鄙而

薄耶今鴛鴦充朝而獨干執事者特以顧下

念舊收接儒素異乎他人耳敢問厥由庶幾

告之俾識去就幸甚幸甚今將慷慨激昂奮

攘布衣縱談作者之筵曳裾名卿之門抵掌

峩弁弁冠厚自潤澤進越無惡汙達者之視

聽狂狷愚妄固不可為也復欲俛默惕息疊

足榻翼拜祈公侯之間跪邀賢達之車竦魂

慄股兢恪危懼榮者倦之彌忿厥心又不可

為也若慎守其常確執厥中固其所矣則又

色平氣柔言訥性魯無特達之節無推擇之

行

漢書以貧無行不得推擇為吏

瑣瑣碌碌

晉書瑣瑣常人音

祿

一孺子耳孰謂其可進孰謂其可退抑又

聞之不鼓踴無以超泥塗不曲促無以由險

艱不守常無以處明分不執中無以趨夷軌

今則鼓踴乎曲促乎守其常而執厥中乎浩

不知其宜矣進退無倚宵不遑寐乃訪于故

人而咨度之其人曰補闕權君著名踰紀行

為人高言為人信力學揆文揆以朋儕稱雄

濟床切子亟拜之足以發揚對曰衷燕石而履

玄圃

荀子云宋之愚人得燕石於梧桐臺之東歸而藏之以為寶周客觀之掩口而笑曰此燕石也與瓦甃不殊十洲記崑崙山有玄圃臺衷懷也葛仙公傳崑崙崙一名曰玄圃爾雅西北之美者有帶魚目而游漲海

崑崙崙之墟璆琳琅玕焉帶魚目而游漲海

盧諶贈劉琨詩序云所謂咸池醜於北里夜

也言現能醜詩是以寶珠而報魚目祗取誚

耳曷予補乎其人曰跡之勤者情必生焉心

之恭者禮必報焉况子之文不甚鄙薄者乎

苟或勤以奉之恭以下之則必勗勵爾行輝

耀爾能言為建瓴

漢高紀田肯贊上曰陛下治秦中地執便利其以下

兵於諸侯譬猶居高堂之上建瓴晨發夕被

水也瓴盛水瓶○建音響瓴音零聲馳而響溢風振而草靡可使尺澤之鯢說文

鯢刺魚也郭璞云似鮪四足○鯢研奚切奮鱗而縱海密網之鳥

舉羽而翔霄子之一名何足就矣庶為終身

之遇乎曷不舉馳聲之資挈成名之基授之

權君然後退行守常執中之道斯可也愚不

敏以為信然是以有前日之拜又以為色取

象恭論語色取仁而行違大賢所飫依據

造夕謁大賢所倦性頗踈野竊又不能是以

有今茲之問仰惟覽其鄙心而去就之潔誠

齋慮不勝至願謹再拜

上大理崔大卿應制舉不敏啓新史年表

崔同嘗為大理少卿崔銳嘗為大理卿然皆不見於傳公此書

蓋未中博學宏詞時作爾

古之知己者不待來求而後施德舉能而已

其受德者不待成身而後拜賜感知而已故

不叩而響不介而合則其舉必至而其感亦

甚斯道遁去遼闊千祀何為乎今之世哉若



宗元者智不能經大務斷大事非有恢傑之  
 才學不能探奧義窮章句為腐爛之儒雖或  
 實力於文學勤勤懇懇于歲時然而未能極  
 聖人之規矩恢作者之聞見勞費翰墨徒爾  
 拖逢掖逢大也掖袂也。掖音亦。曳大帶游於朋齒且有  
 愧色豈有能乎哉閤下何見待之厚也始者  
 自謂抱無用之文戴不肖之容雖振身泥塵  
 仰睇雲霄何由而能哉遂用收視內顧頽首  
 絕望頽與同甘以沒沒也今者果不自意他日

瑣瑣之著述幸得流於衽席接在視聽閤下  
 乃謂可以蹈遠大之途及制作之門決然而  
 不疑介然而獨德是何收採之特達而顧念  
 之勤備乎且閤下知其為人何如哉其貌之  
 美陋質之細大心之賢不肖閤下固未知也  
 而一遇文字志在濟拔斯蓋古之知己者已  
 故曰古之知己者不待來求而後施德者也  
 然則亟來而求者誠下科也宗元向以應博  
 學宏詞之舉會閤下辱臨考第司其升降當

此之時意謂運合事并適丁厥時其私心日以自負也無何閣下以鯢鱗之勢不容尺澤悠爾而自放廓然而高邁其不我知者遂排逐而委之委之誠當也使古之知己猶在豈若是求多乎哉夫仕進之路昔者竊聞于師矣太上有專達之能乘時得君不由乎表著之列昭十一年叔向曰朝有著定會有表會內外列常處謂之表著表者野而取將相行會設表以為位○著張慮切其政焉其次有文行之美積能累勞不由乎

舉甲乙歷科第登乎表著之列顯其名焉又其次則曰吾未嘗舉甲乙也未嘗歷科第也彼朝廷之位吾何修而可以登之乎必求舉是科也然後得而登之其下不能知其利又不能務其往則曰舉天下而好之吾何為獨不然由是觀之有愛錐刀者以舉是科為悅者也有爭尋常者以登乎朝廷為悅者也有慕權貴之位者以將相為悅者也有樂行乎其政者以理天下為悅者也然則舉甲乙歷

科第固為末而巳矣得之不加榮喪之不加  
憂苟成其名於遠大者何補焉然而至於感  
知之道則細大一矣成敗亦一矣故曰其受  
德者不待成身而後拜賜然則幸成其身者  
固末節也蓋不知來求之下者不足以收特  
達之士而不知成身之末者不足以承賢達  
之遇審矣伏以閣下德足以儀世才足以輔  
聖文足以當宗師之位學足以冠儒術之首  
誠為賢達之表也顧視下輩豈容易而收哉

而宗元樸野昧劣進不知退不可以言乎德  
不能植志於義而必以文字求達不可以言  
乎才秉翰執簡敗北而歸不可以言乎文登  
場應對刺繆經旨刺垂刺也不可以言乎學

固非特達之器也忖省陋質豈容易而承之  
哉叨冒大遇穢累高鑒喜懼交爭不克寧居

竊感荀瑩如實出已之德左傳成三年荀瑩

有將寘楮中以出既謀之未行而楚人歸之

敢希豫讓國士遇我之報史記豫讓事智伯

趙襄子滅智伯

讓欲刺襄子曰智伯國之伏候門屏敢俟招納  
士遇我故我國士報之謹奉啓以代投刺之禮伏惟以知已之道終  
撫薦焉不宣宗元謹啓

上裴晉公度獻唐雅詩啓詩雅者正也言王政

之所由廢興也政有小大故有雅焉有大雅焉公所作唐雅

見第一卷

宗元啓伏以周漢二宣中興之業歌於大雅

載於史官然而申甫作輔詩維申及甫維周

謂甫方召專淮夷之功方謂方叔召謂召公

美宣王也方能興衰撥亂命召公平魏邴謀謨

淮夷又曰方叔元老克壯其猷辛趙致罕羗之績辛趙謂辛武賢

相邴吉也文武所注中外莫同伏惟相公

天授皇家聖賢克合謀協一德以致太平入

有申甫魏邴之勤出兼方召辛趙之事東取

淮右謂平吳北服恒陽謂成德節度使王承

入侍恒陽也畧不代出功無與讓故天下文士

皆願秉筆牘勤思慮以贊述洪烈闡揚大勳

宗元雖敗辱斥逐守在蠻裔時公為柳猶欲

振發枯槁決疏潢汙潢音黃罄效蚩鄙少佐毫

髮謹撰平淮夷雅二篇一曰皇武為晉公作二曰方城為李愬作

恐懼不敢進獻私願徹聲聞於下執事庶宥

罪戾以明其心出位僭言惶戰交積無任踊

躍屏營之至不宣宗元謹啓

上襄陽李愬僕射獻唐雅詩啓愬字元直

既平淮右元和十二年十一月

有詔檢校尚書左僕射襄州刺史

史充山南東道節度襄鄧隋唐復郢均房等州觀察使賜爵梁

國公山南東道其鎮在襄陽

宗元啓昔周宣中興得其臣召虎師出江漢

以平淮夷故其詩曰江漢之漣許謂江岸王

命召虎召穆公名虎其卒章曰于周受命自召祖

命已上並詩江漢之文以明虎者召公之孫世本云虎康公十六

孫克承其先也今天子中興而得閣下亦出

江漢以平淮夷克承于先西平王李晟封西平王即愬

之其事正類然而未有嗣大雅之說以布天

下以施後代豈聖唐之文雅獨後於周室哉

宗元身雖陷敗而其論著往往不為世屈意

者殆不可自薄自匿以墜斯時苟有輔萬分之一雖死不憾謹撰平淮夷雅二篇齋沐上

獻誠醜言淫聲不足以當金石庶繼代洪烈

稗官里人漢藝文志小說家流出於稗官注云稗官小官也街談巷語道聽塗

說所造也如淳曰王者欲知間巷風俗故立稗官使稱說之師古曰稗音梯稗之釋國語

為里人所命次注里得採而歌之不勝憤踊宰也○稗旁卦切

之至輕黷威重戰越交深謹啓

上揚州李吉甫相公獻所著文啓吉甫

罷相為淮南節度使公時在永州上此啓揚州即謂淮南

宗元啓始閣下為尚書郎正元初吉甫為尚書屯田駕部二員

外薦寵下輩漢書灌夫稠人士之顯於門闥

者以十數而某尚幼不得與於厮役及閣下

遭讒妬在外十餘年貞元七年四月陸贄為相出吉甫明州刺史歷

忠柳饒又不得效薄伎於前以希一字之褒

貶公道之行也閣下乃始為贄書訓辭擅文

雅於朝以宗天下永正元年八月以吉甫為考工郎中知制誥十二月

為中書舍人而某又以此時去表著之位野

翰林學士則有表朝會受放逐之罰永正元年九月公則有著作舍也

刺邵州未至十一月再命謂死荐仍囚錮視日請命命也進退違背思欲一日伏在門下而不

可得常恐抱斯志以沒卒無以知於門下冥

冥長懷魂魄幽憤故敢及其能言貢書編文

冒昧嚴威以畢其志伏惟觀覽焉幸甚幸甚

閣下相天子致太平用之郊報報謂報本反始則天

神降地祗出用之經邦則百貨殖萬物成用

之文教則經術興行用之武事則暴亂翦滅

依倚而冒榮者盡去幽隱而懷道者畢出然

後中分主憂以臨東諸侯元和三年九月罷為淮南節度使

而天下無患盛德大業光明如此而又有周

公接下之道斯宗元所以廢錮濱死而猶欲

致其志焉閣下儻以一言而揚舉之則畢命

荒裔固不恨矣謹以雜文十首上獻縲囚而

干丞相大罪也寧為有聞而死不為無聞而

生去就乖野不勝大懼謹啓

謝李吉甫相公示手札啓

宗元啓六月二十九日元和五年衡州刺史呂溫

道過永州辱示相公手札省錄狂瞽收撫羈

縲沐以含弘之仁忘其進越之罪感深益懼

喜極增悲五情交戰不知所措宗元性質庸

塞行能無取著書每成於廢疾鄭玄別傳云

公羊學遂著公羊墨守左氏膏肓穀梁進德

廢疾玄乃發墨守鐵膏肓起廢疾云

且乏其馨香書黍稷非馨常願操筆醫門莊

醫門多疾願以所聞思其則庶幾國有掬溜

瘳乎又良醫之門不弃衆疾○筆音遂蘭室

如入芝蘭之室良辰不與夙志多違昨

者踊躍殘魂奮揚蓄念激以死灰之氣莊子

獨不復然平田甲曰然即溺之陳其弊箒

之辭曹子建書云家有弊箒致之煙霄分絕

流眄今則垂露在手清風入懷華袞濫褒於

赭衣范甯穀梁序云一字之褒寵踰華袞之

赭衣賈人傳龍門俯收於培井龍門河水所

絳州龍門縣辛氏三秦記曰河津一名龍門

水險不通魚鼈之屬莫能上江海大魚薄集

龍門下數千不得上則為龍也培井壞井

而寒谷生輝

寒谷生輝借鄒子吹

化幽鬱之

藻鏡洞開而秋毫在照

藻謂文

文律傍暢



志若覲清明換兢危之心如承撫薦非常之

幸豈獨此生伏以淮海劇九天之遙淮南子何謂九

天中央曰鈞天東方曰蒼天東北曰變天比

方曰玄天西北曰幽天西方曰昊天西南曰

朱天南方曰炎瀟湘參百越之俗傾心積念

長懸星漢之上流形委骨永淪魑魅之羣抽魑

支切魅音麻何以報恩唯當結草結草事出左氏傳無任

喜懼感戀之至

上江陵趙相公寄所著文啓趙宗儒字秉文

鄱州饒人元和三年自東都留守遷荆南節度使公前後與儒

宗元啓凡三往者嘗侍坐於崔比部比部名鵬聞

其言曰今之爲文莫有居趙司勳右者宗儒正元

中自翰林學士再遷司勳員外郎自是恒欲飾其所論著薦

之閣下病其未就將進且退者殆十數焉幸

以廢逐伏匿獲伸其業類於嚮者若有可觀

然又以罪惡顯大甘死荒野不能出其固陋

以求知於閣下則固昧昧徒生於世矣謹獻

雜文十首儻還以數字定其是非使得存於

世則雖生與蠻夷居魂與魑魅游所不辭也  
輕瀆威重伏增戰惶謹啓戰惶一作

上嚴東川寄劔門銘啓

嚴礪字元明震之從祖弟

也元和元年劉闢反自山南西道節度使討闢以儲備有素檢校尚書左僕射節度東川公作銘以紀其事詳注劔門銘

宗元伏惟僕射以仁厚蓄生人以勇義平國

難而劔門用兵之士最為天下倡首取其險

固為我要衝

礪與高崇文同征劉闢拔劔州斬其刺史文昭德因分守險阻

潰其王師得以由其門而入彷徨布濩

布濩散

伴音羊漢尸故切

遂無留滯是閤下之勲力宜著於

萬祀而不已也宗元負罪俟命晷刻觀望道

里深遠不得悉聞當時之威聲然而竊以累

受顧念踴躍盛德恐沒身炎瘴卒無以少報

於閤下是以晝夜恟恟

許拱切

不克自寧今身

雖敗棄庶幾其文猶或傳於世又焉知非因

閤下之功烈所以為不朽之一端也敢默默

而已乎謹撰劔門銘一首惶恐獻上誠無以

稱宏大之畧亦足以發平生之心不勝慙懼

戰越之至

上江陵嚴司空獻所著文啓

嚴綬華州華陰

人挺之從孫也元和六年三月以檢校司空出為荆南節度觀察度支等使兼江陵尹

宗元啓伏念往歲司空由尚書郎出貳太原

正元中綬自司空員外郎為太原少尹尋加此都副留守又加行軍馬司宗元獲

於天長天長驛名專用候謁伏蒙敘以世舊許造

門闌自後司空累膺寵榮位極公輔綬累遷尚書右

僕射檢校司空宗元得罪初列竄身湘南湘南謂零

漢益高泥塵永棄瞻仰遼絕陳露無由司空

統臨舊荆控制南服道路非遠德化所覃是

敢奮起幽淪仰希光耀伏惟憫憐孤賤特賜

撫存則縲紲之辱有望蠲除鳴吠之能猶希

效用謹獻雜文七首伏惟以一字定其褒貶

終身之幸無以加焉輕躡威嚴伏增戰越

上嶺南鄭相公獻所著文啓

憲宗初以鄭綰

同平章事繼出為嶺南節度使廣州刺史

宗元啓伏見與當州韋使君書韋使君永猷

州刺史

賜存問驚忤悼懼交動於中循念竟日若無容措幸甚幸甚宗元素乏智能復闕周慎一自得罪八年于今時元和七年也兢愧弔影追咎既自以終身沉廢無跡自明不意相國垂愍特記名姓守突奧者突奧謂幽隱之處忽仰睇於白日負泥塗者遂自濯於清源快心暢目不知所喻伏以聖人之道與其進也不保其往故敢藻飾文字洗滌心神致之門下祇俟嚴命伏惟收撫獎勵以成其終謹獻雜文三十六首

冒昧上黷無任踴躍惶恐之至

上李中丞獻所著文啓

二啓同其人此啓又與前卷啓中之意同

宗元啓宗元無異能獨好爲文章始用此以進終用此以退今者畏罪悔咎伏匿惴慄猶未能去之時時舉首長吟哀歌舒泄幽鬱因取筆以書紉韋而編紉結也畧成數卷伏念閣下以文章昇大僚統方隅而宗元幸緣罪辜得與編人齒於部內永州在湖南管内不以此時

露其所為以希大君子顧視則為陋劣而自棄也敢飾近文及在京師官命所草者凡三合四十三篇不敢繁故也儻或以為有可采者當繕錄其餘以增几席之污去就鄙野伏用兢惶謹啓

上裴行立中丞撰訾家洲亭記啓

元和十二年

年以御史中丞裴行立為桂管觀察使故以桂州訾家洲記屬公公至是移書獻記當在十二年後柳州時作訾即移切又音紫

右伏奉處分令撰訾家洲亭記伏以境之殊尤者必待才之絕妙以極其詞今是亭之勝甲於天下而猥顧鄙陋使為之記伏受嚴命不敢固讓退自揣度惕然汗流累奉游宴竊觀物象涉旬模擬不得萬一竊復詳忖進退若墜又稽篆刻則有違慢之辜速課空薄又見踈蕪之累憊期廢事憊與憊同尤所戰慄謹修撰訖記在上獻退自跼躄跼音不知所裁無任墮越惶恐之至言

河陽烏尚書啓一本題云上河陽

文啓

宗元啓伏以尚書以碩德偉才代著勲烈重

父承其事平兩河定亂重胤少為路州牙將

盧軍有功從史奉詔討王承宗陰與賊連吐突承璀將

圖之以告重胤元和五年四月重胤縛從史

命從者賞違者斬兵合謹重胤叱曰天子有三

城建功憲宗嘉重胤功擢帥河陽河陽有三

帝討淮蔡詔重胤鼎彝竹帛未足云紀進臨汝

上控制東方元和九年閏八月以重胤為汝

州汝隱然長城朝野倚賴宗元雖屏棄遐壤

而飽聞德聲所恨不獲親執鞭弭左傳僖二

公子重耳曰左執鞭弭右屬橐鞬爾雅以備

戎伍夙夜踴躍不克寧居伏以威稜所加狂

狡已震元狂狡謂吳莫大之績重複增崇小子

父以文字進身嘗好古人事業專當具筆札

拂縑緗上音兼下音相贊揚大功垂之不朽瞻望霄

漢戀慕交深冒黷威嚴伏增戰越

河東先生文集卷第三十七

表慶賀

禮部為百官上尊號表

尊號昔者所無有蓋自唐

高宗始稱天皇中宗稱應天至明皇遂有開元聖文神武之號

自是以為法肅宗即位次年正月

月遂加冊號代宗即位次年正月

元羣臣遂尊號至憲宗立於永正元年八月禮部百官當復尊

此議公是時尚為禮部員外郎故預作此表然公是年九月黜

為郟州刺史繼賧永州司馬至元和三年憲宗方上尊號

臣某言伏以聖王之纂承天位也臣子必竭

懇誠獻尊號安敢為佞禮在其中一則以告

天地神祇二則以奉宗廟社稷三則以安華

夏蠻貊巍巍大稱其可廢乎臣等誠懼誠望

頓首頓首伏惟皇帝陛下協周文之孝德禮記

文王之為世子朝於王季齊大禹之約身孔子

日三云云是其孝德也弘帝堯之法天論語惟

言禹菲飲食惡衣服甲宮室是其約也天為大

惟堯過殷湯之解網史記湯出見野張網四

則之入吾網湯曰嘻盡未踰周月四海將致於時

雍書黎民於俯及元正率土更欣於再造然

神人之願億兆之情有所不安率謂未盡善

者以為帝德廣運而尊號猶闕書帝德廣運

郊廟備禮而祝嘏無詞受福曰嘏凡百兢

懷華夷屬望臣謹按昔臯陶之頌舜伊尹之

頌湯皆臣子至公面揚君父以敷於當代以

播於無窮夫豈飾哉率由事實帝王尊號蓋

漸於此皇家光被四表祖宗列文詩列文時

當大和尊號表德耳目所接簡牘斯存稽之

於前典則如彼考之於聖朝則又如此今龜



筮習吉書龜筮協從卜不元正戒期當品物

惟新之時乃皇王大禮之日陛下郊天地享

宗祧祧遠祖廟也音祧陰陽協和動植交暢不建至

尊之稱恐違列聖之心所以臣等冒死陳聞

請上徽號伏惟陛下小謙讓之節安延企之

情特詔名儒禮官百僚庶尹詳明故實議崇

聖德則人望永厭神心獲安山川效靈光贊

無疆之壽祝史陳信信或作言者誤永彰不朽之功

臣等蒙國寵榮備位班列無任懇望之至

### 第二表

臣某等言臣等再陳丹悃謹獻鴻名天意未

從隕越無措臣某誠惶誠恐頓首頓首謹按

堯曰咨爾舜舜曰格爾禹皆書湯曰吾自甚

武自號曰武王則堯舜禹湯皆當時王者之

號也考皇帝之故實徵往聖之憲章允協禮

經煥乎圖謀伏惟皇帝陛下允恭克讓約已

謙尊參天兩地之功易參天兩地而倚數焉為而不有

安上理人之德孝經安上禮置而不論至哉

王言非羣下所仰望也然臣等伏以為尊號

者所以類上帝書肆類于上帝類祭名饗祖宗萬人所

稱百蠻所仰表聖德於率土播天聲於無疆

臣下請之之謂禮帝王承之之謂孝孝大於

讓禮先於謙百王不刊之典安可得而廢也

臣等又以春秋本於五始五始者謂元年春王正月公即位是

也王褒傳又記曰惟春秋法五始之要元者一歲之首春者四

時之首王者受命之首正月者政教之首郊

天大禮者立極之首今天地交泰俯臨元

正始之美正當其運陛下確違羣願固守謙

冲此臣等所以兢惕失圖惴惴無措上冒嚴

憲敢逃厚責伏乞俯垂天聽察納微誠詔禮

官議臣所請揆日推禮詩揆之以日作于楚室揆擇也虔奉

鴻休盡敬於此猶恐天光未照三獻無徵仿

徨闕庭伏待斧鑕無任聳望之至

禮部賀冊尊號表古今序文中皆題云禮部賀冊尊號

表殆非也憲宗元和三年初加尊號睿聖文武皇帝至元和十

四年七月再上元和聖文神武法天應道皇帝公是時已為柳

法天應道皇帝公是時已為柳

州刺史表疏可見非禮部表也當題云柳州賀冊尊號表

臣某伏奉月日制元和十四年七月陛下膺

受尊號率土臣子慶抃無窮臣聞立極之大

四海無以報神功配天之尊萬物不能崇聖

德唯有徽號是彰中興所以上探天心下極

人欲中謝伏惟元和聖文神武法天應道皇帝

陛下統承千載光被六幽蠱賊盡除蠱賊並食苗虫

上音柔下亦作蠱福應皆集有首有趾咸識太平勳

臣增爵祿之榮戎士加賞延之寵片善必錄

微功盡昇獨惟聖謩事絕酬荅萬國缺望缺

怨望也缺古穴規睡二切百功怨思百功合是以啓元和

之盛典延穹昊之景祚理歷凝命實曰聖文

和衆定功時惟神武運行有法天之用變化

乃應道之方鬼神協謀夷夏同志大禮既建

鴻恩遂行歡呼遠匝於九圍帝命式于九圍滲漉普

周於八裔參所禁所錦鹿音鹿慶超邃古美冠將來

臣獲守蠻荒公時為柳遠承大典潢汙比陋

河清幸遂於千年文選運命論黃河清則聖人生注黃河千年一清

塵壤均微山呼願同於萬歲漢武帝元封元年有事華山登

嵩吏卒咸聞無任慶賀屏營之至呼萬歲者三

為京兆府請復尊號表三首此表為德宗所

作也下為耆老等請復尊號表二首皆同蓋公為藍田尉時作

臣某言某月日諸縣耆老某等若干人詣臣

陳狀辭意迫切以陛下尊號未復請詣闕下

表者人心已鬱安可久違天意實勤諒難固

拒撫狀感悅深契微誠臣某誠懇誠迫頓首

頓首伏惟皇帝陛下聖神之功貢於天地文

武之道超乎古今建中元年正月癸亥朔詔中

外書奏不得言聖神文武之號謙光益深玄化已成而微號未復遂使神祇

缺望缺音人庶怨思一作沐浴復澤者敢懷

晷刻之安捧戴皇恩者不知寢食之適負媿

懷憤萬方一心日月以冀遂淹星歲况今地

不愛寶禮地不致百穀之豐穰天惟降衷惟書

皇上帝降衷于呈衆瑞而繁秀汚萊瘠鹵之

下民衷善也地鹵混成大田詩大田草木蟲獸之微化

地鹵混成大田多稼草木蟲獸之微化

為神貺萬靈垂鑒昭然甚明此而不從臣所

大惑矧又兵戎永戢夷狄咸懷一作夷夏懷柔昭然

長春昭一作照樂以終日以一作只是以耆老等深感

聖育踴躍不寧上奉天恩跼蹐知懼跼蹐音局脊

頓顙闕下願復鴻名不謀而同無期而至此

皆上玄幽贊以誘其衷列聖垂靈以悟其意

臣以為陛下當敬于斯言不可忽也臣又伏

以陛下賞功與能舉賢出滯小言不廢片善

是褒豈可使臣子之效雖微而必旌君父之

德盡美而無稱凡在覆載一有孰不不勝懇

禱惶恐之至謹封耆老等狀奉表昧死陳請

以聞謹言

第二表一本云此二表自請闕此表

三表也

京兆府長安縣耆老臣石靈等言靈一作靈徒濫切

伏奉詔批臣所請復尊號一作批答未蒙允

許者捧對惶遽不知所裁天實命之於臣何

有臣等誠懇誠懼頓首頓首臣聞聖君以奉

天爲心不以謙冲爲德以順人爲大不以崇讓爲優今陛下深拒天人之誠猶懷謙讓之道臣等愚惑未知所歸且百祥荐臻特表昊穹之睠五穀蕃熟用彰后土之勤億兆嗷嗷音籲天請命書無辜籲天注籲呼也心舉而違之臣所未識况臣等共被仁育同臻大和陛下德達上玄以豐臣之衣食道躋壽域以延臣之歲年沐浴皇風二十餘載兒童感化鰥寡知恩故臣等出鄉之時歡呼遍野閭里勉臣以不進不止妻孥誓臣以不遂不歸唯竭血誠退無面目便當隕首闕下終不徒還伏惟陛下照臣懇迫之情哀臣羸老之命臣等不勝嗚咽慙恨之至謹奉表陳謝以聞

### 第三表

臣某言臣伏以耆老等並皆發丹誠皆無將貫白日復請徽號以光聖謨臣以其懇款白中不可禁止遂抗表陳請備述微誠伏奉墨

詔批荅未蒙允許者衆心尚阻天意未從懇

迫逾深兢惶無措臣某伏惟皇帝陛下道大

益謙化成彌損雖江海善下老子江海所以能為百谷王者

以其善每應朝宗之心書江漢朝而日月居宗于海

高爰稱照臨之位况復上承天命下觀人誠

若然辭之理有不可伏以陛下功參造化政

體乾坤萬邦宅心百靈效職此聖之至也明

並兩曜信如四時先天不違窮神知化此神

之極也道德純備禮樂興行宸翰動於三光

睿藻窮於六義詩序故詩有六義焉此文之備也五兵

不試周禮司兵掌五兵注云戈及戟七德咸宣

左傳宣十三年武禁暴戢兵保大定功安民和衆豐財者也武有七德我無一焉殊

方者知歸負固者率服此武之成也黃龍結

兔甘露慶雲神禾嘉瓜祥蓮瑞木萬物暢遂

百穀茂滋此天之至靈也黎老班白伏守關

庭鰥嫠童幼嫠謂無夫也力之切謠歌道路此人之至

誠也有其德而無其號拒乎天而違乎人雖

陛下謙讓之至美抑非臣心之所安也伏以

賤志難明微誠莫達戴天彌懼履地益慙不

任懇迫屏營之至伏願早建大號以稱天人

之心謹再奉表昧死陳請以聞

為耆老等請復尊號表一本頭云二首即以前為

京兆府請復尊號表第二表為次篇

京兆府長安縣耆老臣石靈等言靈一作靈臣伏

以陛下尊號未復一十九年時正元盛德光

大玄化益被一作盛德彌加以休徵咸集福

應具臻至於今歲紛綸尤盛風雨必順生長

以時五稼盡登萬方皆稔神意人事正在於

斯天不可違時不可棄臣等誠懇誠迫頓首

頓首臣聞恩深必報德盛必崇以陛下九重

之尊推崇無上以陛下四海之大報效何施

唯有尊名用光聖理闕然未復誰所敢安臣

心則微天意甚重伏惟皇帝陛下體昊穹以

施化虔上帝以致誠今即萬祥應期百神奉

職飛走之物皆已效靈草木之類咸能應聖

天命降於上人誠發於中此而可辭孰云有



奉况野多滯穗詩此有滯穗之利畝有餘糧足食

之慶充溢於京城水中可居曰坻方言云坻

場謂之坻詩曾孫之庚如坻阜財之謠歡呼

於道路盡非人力皆是天成神祇之望既勤

遐邇之心又迫况臣等得生邦甸幸遇盛明

身體髮膚盡歸於聖育衣服飲食悉自於皇

恩被玄化而益深望鴻名而未覩懇倒之至

夙夜不寧謹詣光順門昧死請復聖神文武

之號以副天地宗社之心使海內赤子得安

其所臣等不勝懇倒迫切之至謹奉表以聞

禮部為文武百寮請聽政表三首此表

為順宗而作也德宗崩順宗即

位百寮請聽政公是時為禮部

臣某等言臣聞大道必體於至公大孝莫高

於善繼禮記孝子善繼人上觀列聖旁考前

王罔不俯就禮文仰承大事嚴奉宗廟慰安

元元然後德教惟新邦家永固伏惟皇帝陛

下寢苦泣血苦草也居喪以為覆席正元二

十一年正月癸巳德宗崩丙申

順宗即位號慕無時貫于神明動于天地未臨庶  
政猶狗至誠凡在人臣孰不哀懼伏惟先聖  
遺旨俾陛下抑哀而聽政本朝乏人使臣等  
竭忠以奉上非敢懼死輒布懇詞期於必從  
以慰寰宇且王業至重軍國方殷一日萬機  
不可暫闕伏願追遵顧命蹈履成規恢王者  
華夷之望順上帝乃眷之懷臣等不勝哀迫  
誠懇之至

第二表

異元獻本據文苑英華此謂此表乃是林逢請聽政第二

表別有子厚第二表今載于後

伏奉大行皇帝知陛下至性自天恐陛下  
執哀過毀上惟九廟之重下念萬務之殷  
故遺詔丁寧俾遵舊典今百辟卿士顯然  
在庭瞻望清光已七日矣正元二年正月庚子固  
陳誠請猶未允從內外憂惶莫知所出臣  
聞大孝之本繼志爲難酌禮之情得中爲  
貴是以哀迷期數哭泣有常俯而就之禮  
賢者可使俯而就之聖人所重知難繼也記  
不肖者可使企而及

買道而葬後難繼也君子不為伏願少抑哀懷仰遵

理命以副神祇之望以安億兆之心光祖

業於無窮流德化於天下凡在臣子孰不

悲戴

又此文苑英華所載子厚表也

臣某等言臣聞聖凡殊途邦家異禮故王者

捨已從物用身許天雖居達喪孔子曰三年

通喪也猶以事奪伏以大行皇帝道成鑄鼎

仙等御龍黃帝采首山銅鑄鼎於荆山下

龍七十餘人萬姓長號九有頤望陛下以

聰明睿聖嗣守寶圖爰及宅憂書王宅憂諒

也迨茲累日而孝思罔極詩永言孝思又曰

極尚輟乃雍之言書高宗諒陰三庶政未釐

頗闕如絲之命王言如絲臣等嘗覽載籍粗

知喪紀若成周顧命成王將崩命召公畢公

歷代猶遵西漢詔音漢文帝將崩有遺詔以

本云西前王所奉我國家以孝理天下文明

應期上用此法胥以傳授蓋事歸至當則不

可不遵禮貴從宜禮記禮從宜則不得不守理固

然也臣等是以上陳愚懇輕瀆宸嚴冀遂血

誠俯親國政而陛下報喪逾切聽理未聞億

兆嗷嗷不知所訴臣以為天子之孝在於保

安社稷司牧烝黎功超百王慶流萬代亦何

必守臣下之小節蔑皇王之大猷固阻羣情

務成謙德伏願以遺詔為念奪在疚之懷就

臨軒之制天下幸甚

第三表

伏以萬機至重遺旨難違再獻表章上塵旒

扆旒謂冕旒精誠徒竭天意未廻旆謂斧扆內外遑遑

人神企望臣聞王者之孝異於匹夫禮不相

公道資適變當承平之代故殷帝宅憂而不

言遇有事之時則周王未葬而誓衆周王謂武王也

况今戎車猶駕邊候多虞兩河之寇盜難除

百姓之瘡痍未合亂者思理危者求安天下

嗷嗷正在今日誠宜抑其至性以副羣心成

先帝之大功繼中興之盛業豈可寢苦啜泣

詩啜其泣矣何嗟及矣

庶政闕然九廟之靈何報萬方

之望何塞臣等職參樞近誠切邦家若陛下未忍臨軒尚持前志臣等有死而已不敢奉詔不勝哀迫懇切之至

賀踐祚表

此表順宗即位之日公代一節鎮作也

臣某言太子中舍嚴公弼至

嚴公弼山南西道節度使震之

子正元五年中第

奉某月日敕書慰諭伏承陛下以

某月日虔奉典冊允昇寶位

正元二年正月癸巳德宗崩

丙申順宗即位

凡在羣生孰不慶幸臣某誠懼誠忭

頓首頓首臣聞天地泰而聖人出雷雨解而

品物榮

解下

是以五行法用木火更其位十

葉重光宗廟輔其德殷宗龔默再開成湯之

業漢文聰明克承高祖之緒陛下重離出曜

體乾繼統主鬯彰孝恭之美撫軍著神武之

功

左傳行曰撫軍守曰監國

欽奉遺訓

奉一作承

永保鴻業遏

密之中施雨露以被物遐邇之地覩日月之

繼明則四維之外八極之表人神胥悅草木

皆春煦嫗生成

以氣曰煦以體曰嫗

上呼句切下於武切

不失覆

載况臣謬膺藩守累受國恩爰自出身泊乎  
領鎮沐浴聖澤優游昌時不獲覩闕庭之禮  
展臣庶之分戴天賀聖倍萬恒情

禮部賀改永貞元年表

此乃憲宗即位改元之表

也正元二十一年正月順宗即位八月立皇太子為皇帝是為

憲宗改元永貞公是時為禮部郎官之作

臣某等言伏奉今日誥今月九日冊皇帝改  
貞元二十一年為永貞元年自貞元二十一  
年八月日昧爽以前應犯死罪特降從流流

已下遞降一等者

正元二十一年八月庚子順宗制令太子即皇帝位

朕稱太上皇制敕稱誥

寶命方始聖曆用彰

載宣臨照之明遂施渙汗之澤臣某等誠慶

誠賀頓首頓首伏以重光下濟積慶旁行漢

祖推奉教之尊

漢高帝六年五月丙午詔曰父有天下傳歸於子有天下

下尊歸於父朕披堅執銳平暴亂立諸侯皆太公教誨也今尊太公曰太上皇文王

遂無憂之志

無憂者其惟文王乎以正名紀王季為父以武王為子

曆名一表運行於萬方宥過輕刑流汪濊於

四海

濊音織

歡呼抃蹈遐邇攸同臣某等親奉

聖暮仰承大化踴躍之至倍萬恒情無任蹈舞欣慶之至

禮部太上皇誥宜令皇帝即位賀表

順宗立皇太子為皇帝自稱曰太上皇帝即憲宗也公在禮

部作此表

臣等言伏奉今日順宗立嗣永貞元年八月庚子太上皇制

命陛下即皇帝位光奉寶圖丕承鴻業溥天率土慶躍難勝臣某等誠喜誠抃頓首頓首臣聞皇建其極存諸大訓大訓謂書洪範帝出于震

者在易經繼明以照于四方易大人以繼重

熙以臨於萬國動植品彙永賴昭蘇山川鬼神咸用欣戴臣某等獲備班列親仰聖明踴躍之誠倍萬恒品無任抃躍喜慶之至

禮部賀立皇太子表公為禮部郎官時作

臣某等言伏奉今日二十四日制廣陵郡王

宜冊為皇太子改名某順宗貞元二十一年三月二十四日立子

廣陵王淳為太子改名純即憲宗也仍令所司擇日備禮冊命

者天序有奉皇圖載寧臣某等誠慶誠賀頓

首頓首臣聞尚書載以貞之文書一人元良

漢史傳早建之義漢文帝元年有不唯立愛

書立愛期在繼明易大人以繼陛下奉率前

規敷揚盛典顧茲守器之重易守器者爰正

承華之位承華太子尊義方之教左傳愛子教

納于載錫嘉名離騷皇鑒揆子于初度兮肇

也邪崇建樹之禮式光典命以長而立春秋傳

長不自符於慎擇必子之選遂合于至公邦

本不搖王業彌固此皆宗社啓祐皇心乾坤

合謀保安聖運足以播休氣於四海洽大和

於萬靈食毛含齒所同歡慶臣等奉承制命

蹈舞周行踴躍之誠倍百恒品無任慶抃感

悅之至謹奉表陳賀以聞

禮部賀皇太子冊禮畢德音表此表

禮部郎官時作

臣某等言伏奉今日制皇太子冊禮云畢思

與萬方同其惠澤者貞元二十一年四月戊

交懷思與萬方同其惠澤赦京城盛典斯舉

繫囚大辟降從流流巴下減一等



鴻恩遂行凡在率土不勝抃躍臣某等誠喜  
 誠賀頓首頓首伏惟皇帝陛下克奉神休以  
 正邦統建天下之本宗廟以安致萬國之貞  
 兆人攸賴典冊既備慶澤載流既廣愛而推  
 恩亦好生而布德緩刑而囹圄知感進勲而  
 嗣續增榮詔曰文武常參并州府縣 崇教諭  
 之方忠良是舉詔云古之所以教太子必茂  
 而師傳以翼輔之法於訓辭  
 而行其典禮左右前後罔匪正人是以教諭  
 而成德也給事中陸質中書舍人崔樞積學  
 而懿文守經據古夙夜講習庶 嚴贊襄之禮

作賜與有加旌孝悌以厚於人倫詔曰天下  
 孝子順孫

先旌表門閭者委所敬思神而修其祀事况  
管州縣各加存卹

行禮之日則屏翳收蹟屏翳雲 太陽宣精用

彰出震之休易帝出乎震 更表重離之曜神化旁

暢皇風遠揚自華及夷異俗同慶臣等謬參

著定著定位 倍百恒情無任歡慶踴躍之至

為王京兆皇帝卽位禮畢賀表王京兆謂

王權也正元二十一年二月自

鴻臚卿為京兆尹憲宗卽位公

為代作賀表下又有

代作賀表凡六首

臣某等言臣聞大人繼明百神所以受職天

子有道左傳天子有萬國由是承風伏以皇

帝陛下纘聖垂休順時御極負宸而外朝夷

夏明堂位天子負斧宸南面而立注云踐祚

而統和天人踐履也幽明感通遐邇昭泰遂使

祥光下燭嘉氣旁通周王謝流火之符書武

孟津白魚入于王舟有魯史愧書雲之典左

火復于王屋流而為鳥食毛含齒食毛者食歡

必書雲物為備故也土之毛也歡

扑無窮臣某等幸覩昌時獲奉大慶踴躍之

至倍萬恒情無任蹈舞欣躍之至

代韋中丞賀元和大赦表此表憲宗

年改元大赦公到永之初與刺

臣某言伏奉正月二日制大赦天下永貞二

年宜改元和元年太陽既昇煦育資始霈澤

斯降霈普蓋切膏潤無遺臣某誠慶誠賀頓首頓

首伏惟皇帝陛下仁化旁流孝理弘闡紀元

示布和之令周禮正月之吉始和肆青見恤

人之心

書青災肆赦莊二十二年春  
秋云正月肆大青

曠然滌瑕得

以遷善渙發大號申明舊章農有薄征

薄征緩刑

施舍以責市無強價

左傳價作估買也勲勤是錄爵秩以

班寵寧問於幽明澤必周於夷夏近甸輕權

酤之入遠人忘水旱之灾既行慶於官僚亦

推恩於天屬諸生喜黌塾之廣庶老加絮帛

之優量入所以備凶興廉期於變俗爰褻有

客尊賢之典惟新載奉素王宗子之道斯在

綸言一降庶政畢行懷生之倫感悅無量臣

某等守在遐遠親奉詔條踴躍之誠倍百恒

品無任感恩抃舞屏營之至

禮部賀冊太上皇后表

永貞元年八月順宗乃立

其皇太子為皇帝自稱曰太上皇立良娣王氏為太

上所賀即此也董氏冊太上德妃本紀不載公時尚在禮部時云

臣某等言伏奉今日日誥良娣王氏冊太上

皇后良媛董氏冊太上皇德妃宜令所司備

禮冊命者

永貞元年八月辛丑太上皇誥曰良娣王氏家承茂族德冠中宮雅

修彤管之規克佩姆師之訓自服勤嶺藻祇奉宗桃令範益彰母儀斯著宜正長秋之位

以明繼體之尊良媛董氏備立後庭素稱淑慎進升號位禮亦宜之良姊可冊為太上皇后良媛宜冊為太皇德妃母儀有光坤道仍令所司備禮擇日冊命

克順陰教方行於萬國內理克和於六宮禮周

內宰以陰禮教六宮以陰禮教九嬪於六宮禮記天子后立六宮三夫人九嬪二十七世婦八十一御妻以聽天下臣某等誠慶誠賀

之內治○一本克字作巳

頓首頓首伏惟皇帝陛下對若天休奉揚睿

旨長秋既登其正位長秋皇禴狄亦被於恩

光內司服掌王后之六服禕衣禴奉養見三

朝之安文王之為庶子朝於王季日三雞初鳴而衣服至於寢門外問內豎之御

者曰今日安否如何內豎曰安文王乃喜及日中又至亦如之及暮又至亦如之周

旋有四星之輔史記天官書後宮四星末大星正妃餘三星後宮之屬

豈獨酌乾稱太助日為明所以表王化之源

知孝悌之本冠映千古儀刑四方臣某等捧

戴施行踴躍無地無任蹈舞欣喜之至

禮部賀太上皇后冊畢賀表

臣某等言今日太上皇后冊禮云畢率土

臣妾慶抃無窮臣某等誠慶誠賀頓首頓首

伏以太上皇后著虞嬪之至德書釐降二女于媯妫嬪于

虞嬪也嗣周母之徽音詩太姒嗣徽音徽美也表率六宮

明彰萬國陛下克修理本以暢化源神道知

事地之方因地事天人倫識尊親之大豈惟

婦順期備成婦禮明婦順又申之以著陰禮

用修足以播正始於王風詩周南召南正始之道王化之基一

本作國風致時雍於帝典臣某等謬塵榮位獲覩

盛儀踴躍之誠倍百恒品作百一

賀皇太子尚在南宮代一藩臣作

此

某言伏奉日月制書正元二十一年四月癸卯立廣陵王為皇太子

殿下祇膺茂典位副青宮青宮東宮也神異

石為墻高三仞門有銀榜以青石碧鏤題曰天地長男之宮温文光三善

之名禮記行一物而三善皆得者唯世子而

其二三知君臣之義繼照協重離之慶易明雨

人以繼明萬葉固本羣方宅心含生之徒孰

不欣載况某夙蒙期獎職在藩方權抃之誠

倍萬恒品

御史臺賀嘉禾表公於貞元十九年尚為監察御史及

至二十一年方遷禮部員外郎當時為御史時作

臣某言今日宰臣以幽州所進嘉禾圖各

一軸幽州節度使劉濟所進示百僚者伏以嘉穀順成

靈貺昭格天人合應遐邇同風臣某誠懽誠

慶頓首頓首伏惟皇帝陛下睿謀廣運神化

旁行植物知仁祥圖應聖靈岳不愆於贊祐

靈岳謂北岳也燕谷用遂於生成鄒衍在燕燕有谷地美而寒不生五

穀鄒子居之吹律而溫氣豐稔既均知朔南

之被澤東漸于海西被于流沙休嘉克協見

天地之同和六穗導一莖六穗稱於漢臣於庖注導擇

也一莖六穗謂嘉禾之異畝耻書於周典唐

得禾異畝同穎獻諸天子自中形外均慶同

歡臣某謬職憲司獲覩休瑞無任抃躍之至

禮部賀嘉禾及芝草表公為禮部員外郎時之所

也作

臣某等言伏見今日某日內出劔南所進嘉

禾圖劔南四川節度使韋臯所進及陝州所進紫芝草號

觀察使崔示百寮者珎圖煥開瑞彩交映遐

宗所進

邇借至福應攸同臣某等誠慶誠賀頓首頓

首伏惟皇帝陛下緝熙至道保合大和易首出庶

物保合天惟發祥濬哲惟商地不愛寶嘉禾

擢質靈草抽英獻于王庭唐叔慙同穎之異

見上薦諸郊廟班史謝連葉之奇漢書武帝紀甘泉宮

生芝草九莖連葉乃作既呈蕤蕤之祥黍稷

攸介更覩煌煌之秀豐年斯著聖壽用彰飲

和之人懽抃無極臣某等優游至化披翫殊

姿慶抃之誠倍育恒品

京兆府賀嘉瓜白兔連理棠樹等表

當時公在藍田尉所作

臣某言今日日中使王自寧出徐州刺史張

愔所進嘉瓜圖貞元十六年六月以徐泗濠

州刺史節度及白兔兒一并出陳許等州觀

察使上官說所進許州連理棠樹圖貞元十

月以上官說為陳示百寮者惟天眷命皇天

許等州觀察使是降百祥作善降惟聖欽承用膺多福

臣某誠慶誠賀頓首頓首臣伏以大和所蒸

至德斯應圖物獻瑞周於遠方神瓜合形式

表繇繇之慶瓜繇繇異棠連質用彰燁燁之榮

榮一作休况金風發祥白兔來擾擾馴告有秋之

嘉應著成歲於神功雜選紛綸選音沓如山斯

委人盡登於壽域物咸暢於薰風况臣特感

深恩欣逢衆瑞踴躍之至倍萬恒情

禮部賀甘露表自此已下四表皆公貞元二十一年二月

遷禮部員外郎掌尚書殿表時作

臣某言中使王自寧至伏奉宣聖旨出延和

殿前丁香樹甘露一大合示宰臣未時又出

一大合令明日示百寮甘露見降未止者玄

化昇聞露貺昭荅必呈尤異之應以告天地

之和臣某誠懼誠慶頓首頓首伏惟皇帝均

煦育之功敷滲漉之澤司馬相如封禪頌注

大和潛達闕瑞克彰發於天霄特降宮樹朝

光初燭方湛湛而不晞詩湛湛露斯匪陽畏

景轉炎更灩灩而未已零露灩灩綴葉而珠

璣積耀盈器而冰玉呈姿芳襲椒蘭味兼飴



醴音怡餽也

然則零其庭而著異

揚雄云昔二帝三王國家

殷富上下交足故有甘露零其庭也

紀於年以標奇

漢宣帝元

於是以紀其年

徒矜往辰孰並茲日况樹

有丁香之珍殿即延和之號所以著芳風之

遠播期聖壽於無疆事絕古今慶傳遐邇臣

謬承渥澤獲觀殊祥抃躍之誠倍萬恒品

禮部賀白龍并青蓮花合懽蓮子黃

瓜等表或注云京兆恐是

臣某言伏見今月日內出滄州所進白龍見

圖又出西內定禮池中青蓮花并神龍寺前

合歡蓮子示百寮二十三日又出鹽州所進

合歡黃瓜圖者二氣交泰萬國同和動植思

協於殊祥遐邇畢呈其嘉應披圖按牒聖理

彰明臣誠懽誠慶頓首頓首伏以天地非遠

睿感必通疊瑞重祥累集宮禁池蓮表異靈

化非常敷彼青光徵佛書而尤絕成其嘉實

驗祥經而甚稀積慶旁流自中徂外遂使龍

騰白質乘秋果應於金行瓜合黃中表聖更

彰於土德遠通邊徼

邊徼謂滄州也

近出苑園

謂定禮池也

也合慶同歡周於億兆况復邦畿之內雨霽

必時宿麥大穰嘉穀滋茂和風孕秀靈氣陶

蒸是皆發自帝心達於天意周流升降成此

歲功惠彼羣生自為嘉瑞臣某深惟多幸獲

遇斯時觀靈貺之備臻知人之溥洽無任慶

抃躍蹈之至

### 禮部賀白鵲表

臣某言伏奉進旨宣示前件白鵲者霜毛皎

潔玉羽鮮明色實殊常性惟馴狎臣聞聖王

之德無所不至有感則應無幽不通伏惟陛

下恩霑動植仁洽飛翔故得茲禽呈休效質

伏以白者正色實表金方鵲以知來

淮南子乾鵲知

來而不式彰冠服用符歸化之兆克耀太平

之階臣職參禁垣獲覩嘉瑞無任慶抃之至

### 禮部賀嘉瓜表

臣某等今日內出浙東觀察使賈全

正元十年

月以常州刺史賈全為浙東觀察使所進越州山陰縣移風鄉

百姓王獻朝園內產嘉瓜二實同蒂圖示百

寮者寶祚惟新正元二十一年正月丙申順宗即位嘉瑞來應

式彰聖德更表天心臣某等誠慶誠賀頓首

頓首伏惟皇帝陛下保合太和緝熙庶類德

馨上達書黍稷非馨明德惟馨神化旁行易神而化之使民宜之

嘉瓜發祥來自侯服質惟同蒂見車書之永

均地則移風知化育之方始雖七月而食豳

土歌王業之難詩七月陳王業也周公遭變故陳后稷先公風化之所由

致王業之艱難也七月食瓜八月斷五色餌壺又大戴禮五月治瓜七月食瓜

珍東陵詠嘉賓之會漢邵平故為秦東陵侯秦破為布衣種瓜長安

城東瓜美世號東陵瓜既嗣宗詩昔剛東陵瓜近在青門外連畛距阡陌子母相鉤帶五

色曜朝日嘉未聞感通若斯昭著者也臣某

等遭逢聖運親仰珍圖抃躍之誠倍百幅晶

無任慶悅之至

為王京兆賀嘉蓮表王京兆者王攸也巳見上賀皇

帝即位表顯注

臣某言今日某時中使某奉宣聖旨出西內

神龍寺前水渠內合懽蓮花圖一軸示百寮

者祥圖煥開異彩交映贊天地之合德表神人之同權臣某誠懽誠慶頓首頓首伏惟皇

帝陛下道協重華書重華協于帝慶傳種德臯陶邁種德李

氏臯陶之後故云陶陰陽之粹美孕造化之精英吉

慶每見於天心發祥必自於禁掖是使雙華

擢秀連帶垂芳香激大王之風宋玉云此獨大王之風也

影耀天泉之水文帝永嘉二十一年煥開宮

沼旁映給園謂給孤獨園指言神龍寺靈貺應期天龍獲

聖寶曆瓊迢於小劫神功永洽於大千臣某

獲觀昇平濫居榮寵聞瑞應而稱慶仰續事

而增歡論語繪事後素繪或作續無任抃蹈喜躍之至

為王京兆賀雨表一

臣某言臣昨日面奉進旨以近日少雨今月

內無雨即須祈禱今日便降甘雨者天且不

違易天且不違而况於人乎神必有據密雲與綸言繼發

時雨將天澤並流臣某誠懽誠慶頓首頓首

伏惟皇帝陛下憂切蒸黎慮深稼穡思彼未

兆防於無形滲漉每出於湛恩變化亦隨於

廣運宸衷暫惕已矯御天之龍易時乘六龍以御天聖

謨既宣遂洽漏泉之澤吾丘壽王曰德澤上周天下漏泉靈

霽周布靈霽黑雲也上霏微四施黍稷盡成

公私皆及詩雨我公田野夫鼓舞知帝力之

玄通官吏歡呼見天心之默喻臣某牧人京

邑動仰皇靈渥澤徒加涓滴無助無任感悅

屏營之至

王京兆賀雨表二

臣某言伏見今月二十四日時雨溥降伏以

聖心積念天意遽迴移造化之玄功革陰陽

之常數臣某誠慶誠抃頓首頓首皇帝陛下

仁育蒼生恩同赤子自頃天雨未降時稼或

憊貶食齋戒至誠幽達又慮宿麥無備播種

失時出於宸衷將令賑貸睿謨潛運甘雨遂

周布濩垂陰相如云匪惟雨之又潤澤之匪惟備之

隨聖澤而俱遠滂沱積潤與恩波而共深臣

某才術無聞謬司邦甸生成必資於帝力進

退何補於天工天工人沐浴大和慙荷無極

無任慶躍屏營之至

王京兆賀雨表三

臣某言今月十三日面奉進旨緣自春來少  
兩宜卽差官精誠祈禱者十四日臣便差官  
分赴靈跡其日雲陰四合至十五日甘雨遂  
降伏惟皇帝陛下言爲神化動合天心未成  
早曠之虞已積憂勤之慮衆靈受職蒼蔚且  
躋於南山詩蒼兮蔚兮百穀仰榮左傳猶百穀之仰膏  
雨滂霈遂沾於東作睿謨朝降膏澤夕周知

天人之已交識陰陽之不測然則周王徒勤

於方社

詩以我齊明與我犧羊以社以方我田既臧謂有事於山川也○一本作

方殷帝虛美於桑林

呂氏春秋昔殷湯克夏五年不雨湯乃以身禱

於桑林剪其髮割其爪以爲犧用祈福於上帝

豈若無灾而早圖未

禱而先應化超前聖道貫重玄徧野同歡傾  
都相慶臣之欣躍倍萬恒情

王京兆賀雨表四

臣某言臣於三月二十九日奉進旨於諸靈  
跡處祈雨至三十日甘雨遂降者臣聞惟聖

無任慶躍屏營之至

王京兆賀雨表三

臣某言今月十三日面奉進旨緣自春來少  
兩宜卽差官精誠祈禱者十四日臣便差官  
分赴靈跡其日雲陰四合至十五日甘雨遂  
降伏惟皇帝陛下言為神化動合天心未成  
早曠之虞已積憂勤之慮衆靈受職蒼蔚且  
躋於南山詩蒼兮蔚兮百穀仰榮左傳猶百穀之仰膏  
雨滂霈遂沾於東作睿謨朝降膏澤夕周知

天人之已交識陰陽之不測然則周王徒勤

於方社

詩以我齊明與我犧羊以社以方我

於方社田既臧謂有事於山川也○一本作

殷帝虛美於桑林呂氏春秋昔殷湯克夏

於桑林剪其髮割其爪五年不雨湯乃以身禱  
以為犧用祈福於上帝豈若無灾而早圖未

禱而先應化超前聖道貫重玄徧野同歡傾

都相慶臣之欣躍倍萬恒情

王京兆賀雨表四

臣某言臣於三月二十九日奉進旨於諸靈  
跡處祈雨至三十日甘雨遂降者臣聞惟聖

有作先天不違發令而祥風已興

班固傳云習習祥風

甘雨致誠而玄液旋被臣某誠歡誠賀頓首

頓首伏惟皇帝陛下側身防患道邁周王

詩雲

漢仍叔美宣王也宣王遇災而懼側身修行欲消去之

盡力勤人功超

夏后禹卑官室而聖謨廣運驅百靈以從風

神化旁行滋五稼而流澤

五稼也

油雲四合

天油然作雲沛然下雨

膏雨溥周

花苞黍苗陰雨膏之

農壤遂一

於肥磽滲漉盡霑於遐邇蒸黎誅德知必自

於聖心草木欣榮如有感於皇化有年之慶

實在於斯臣以無能謬領京邑上勞宸慮運

此歲功無任喜懼屏營之至

賀親自祈雨有應表五

一本或亦以

然觀表言得上都院官金部員外郎韓述狀報必代外州刺史

也

臣某言臣得上都院官金部員外郎韓述狀

報以時雨未降親自於龍堂祈禱有靈禽羣

翔自成行列如隨威鳳

漢宣帝神爵元年詔曰南鄉獲白虎威鳳

為寶晉灼曰威鳳鳳之有威儀者

以翼龍舟其日降雨者

謝中



伏以時或憊陽左傳冬無愆陰歲之常候式當

聖日無害豐年陛下敦本務農憂人閔雨宸

慮所至天心自通故得瑞鳥迎舟掩商羊之

舞家語齊有一足之鳥舒翅而跳齊侯遣使訪孔子曰此鳥名商羊昔童謠云天

將大雨商羊鼓舞其應至矣將有水災仙雲覆水協從龍之微

雲從龍風從虎初泛洒於上宮遂滂霈於率土自中

徂外皆荷生成雨公及私詩雨我公田遂及我私謂私田也

靡不碩茂殷后徒勤於自翦見上周公空媿

於舞雩周禮春官女巫巫職臣以庸虛謬司垣

翰有年之慶惟聖之功臣某不任云云

河東先生集卷第三十七

河東先生集卷第三十八

表

為裴中丞賀克東平赦表

裴中丞桂  
管觀察使

裴行  
立也

臣某言伏奉月日德音以淄青蕩平褒功宥

罪布告遐邇者

元和十四年二月淄青都知  
兵馬使劉悟斬其節度使李

師道以降師道所管淄青登萊沂密鄆曹濮  
齊兗海十二州皆平詔天下繫囚死罪降從

流流已臣聞肅殺之後每致陽和雷霆既施

必聞膏澤中伏惟陛下體乾剛以運行協坤

元之翕闢

易曰至哉坤元又曰坤其靜百靈

受職

神百靈也六合從風曰天地四方阻兵怙亂

者

左氏傳云州吁阻必就梟擒懷忠抱義者

無不甄錄

甄陶甄也激其效順特加旌節之

榮

是月以悟為義寵以元功遂兼鼎鉉之任

謂田弘正加檢校司徒同中書門下平章事

弘正亦討師道者故有是命易曰鼎玉鉉鉉

鼎耳也戎行窮賞賚之重

賞賚賜予也死事

極褒卹之優

劫脅之役盡除聚斂之名皆去

傷痍受煦

老疾加恩豐財已復其征徭復其

謂復除賜種更盈於種

稔詩黍稷種稔先種

稔曰種嚴山川之祀

神必有依申義烈

之家物無不感

周王推忠厚之化詩周家忠厚仁及草

木漢帝慙愷悌之風

太平之德斯為至盛一作

太平之業既崇然則虞巡可復

書五載告成

將慶於岱宗

書歲二月東巡守至于岱宗柴

州既復漢典方行

漢武帝元封元年登封太

于天漢典講禮再榮於闕里

漢章帝元和二

幸闕里以太牢祠孔子臣謬膺重寄獲覩

青蓋魯國之地也故云

大和易曰保抃蹈之誠倍萬恒品謹已施行

郡邑宣示軍戎莫不動地歡呼若醉千鍾之

酒孔融與魏武書曰堯非千鍾無以堪上聖騰天鼓

舞如聞九奏之音周禮鍾師注云王出入奏

入奏昭夏四方賓來奏納夏臣有功奏章夏

夫人祭奏齊夏族人侍奏族夏客醉而出奏

駭夏公出入奏無任慶賀踴躍之至

柳州賀破東平表破李師道

臣某言卽日被觀察使牒桂管觀察使李師

以月日克就梟戮者帝德廣運大禹謨專命

惟新詩周雖舊邦靈暄廓清詩終風且霾終

暄陰而風也○霾音翳天地貞觀易天地之道

率土臣庶慶抃無涯中謝伏惟睿文聖武皇帝

陛下威使百神德消六沴五行傳云凡六沴

傷謂之沴六沴六事之天降寶運時歸太平

自克夏擒吳夏謂夏綏銀節度使楊惠翦蜀

平蔡蜀謂西川節度留後劉闢殊類稽顙羣

疑革心唯此兇妖尚聞悖慢庭議旣得廟謨

必臧旌旗燭耀於洪河金鼓震驚於靈嶽嶽靈

太山鄆城自潰寧同莒魯之爭

左傳昭元年莒魯爭鄆為日久

矣二十九年十月鄆潰此謂師道初治鄆州

城塹修守備而其將劉悟乃與諸公卷旗東

甲還入鄆州以齊地悉平無俟耿陳之戰漢

求效順故也武初興時長安政亂張步起琅邪五年帝乃

遣耿弇率劉歆陳俊三將軍討之戰于臨淄

步眾大敗步乃斬蘇茂以降弇復引兵至城

陽降五校餘黨齊地悉平琅邪臨淄即青海

二州之屬邑也五兵永戢周禮司兵掌七德無虧

武有七德焉含生比堯舜之仁董仲舒策堯舜

我無一焉率土陋成康之俗晏本更有伏以舜念克勤

致理之方靡不有初介丘霧息已望翠華之

願獻持盈之誠六句

來介丘太山選南都賦望翠沂水風生更起

舞雩之詠也沂水屬沂州亦淄青十二州之一

千歲之統也司馬遷自序曰今天子接千歲實

在於斯臣守在蠻荒獲承大慶抃蹈之至倍

萬恒情

### 代裴中丞賀分淄青為三道節度表

臣某言伏見某月日制分淄青諸州為三道

節度都團練觀察等使者元和十四年二月

陵為淄青宣撫使令分師道所管十二州為

三道於陵按圖籍視土地遠近計士馬眾寡

校倉庫虛實使之適均以鄆曹濮為一道淄

青齊登萊為一道充海沂密為一道此三道

之所也地豕之穴左傳吳為封豕忽為樂郊

詩逝將去汝氛沴之餘盡成和氣伏惟皇帝

陛下天付昌期神開寶曆復昇平之土宇拔

妖孽之根源自西自東不違於指顧我疆我

理詩我疆我理咸得其區分山川備臨制之

形道途適征徭之便俾候既定詩俾候于魯

賜履以寧左傳僖四年管仲曰昔召康公命

之以夾輔周室賜我先君履東至于海異青

西至于河南至于穆陵北至于無棣

充之封爰從古制解曹衛之地實契雅謀左傳

僖二十八年晉文公分曹衛車甲永藏馬牛

勿用俗被雍熙之化代知仁壽之期農事載

盛於耨芟儒風重興於俎豆足使季札觀魯

更陳南籥之儀左傳襄公二十九年吳季札

籥者曰美哉猶有憾按注云南籥以籥舞也

文王之樂此言魯地自是有禮之可觀也

山甫徂齊復正東方之賦詩烝民王命仲山

甫徂齊式遄其歸注東方齊也蓋去臣揔戎

遠地不獲陪賀闕庭云云

為韋侍郎賀布衣竇羣除右拾遺表

新舊史皆云擢羣為左拾遺而諸本皆題云右拾遺未知孰是

臣某伏見今月日制除布衣竇羣右拾遺者

羣字丹列京兆金城人以處士隱於毗陵蘇州刺史韋夏卿薦之朝并表其所為書數十

篇不召貞元十六年十一月夏卿為京兆尹復言之十八年三月召羣為左拾遺按羣傳

云陛下即位二十年始自草茅擢臣為拾遺蓋自大曆十四年己未至貞元十四年戊寅

德宗即位臣聞直道之行也論語孔子曰斯民

為二十年臣聞直道之行也論語孔子曰斯民

道而四方嚮德逸人是舉也三代之所以直

行也四方嚮德逸人是舉也三代之所以直

下歸心謝中臣伏以竇羣肥遯居貞易肥遯無

利又

遯亨小利貞肥優也苞蒙養正易包蒙吉又曰蒙學術

精果操行堅明讚詠道真以求其志臣頃守

藩服謂在蘇州特所委知及歸朝廷輒有聞薦庶

逃竊位之責孔子曰臧文仲其竊位者歟以

塞曠官之尤書無曠庶也豈謂天聽曲從瞽言

無廢況諫諍之職政化是參擢於布衣久無

其比周行慶朴詩嗟我懷人真彼林藪震驚

晦迹寧慮於遺賢書野無懷才盡思於展效

臣以性本庸疎動無裨益唯思進拔以報恩

榮區區懇誠實貫金石言而不廢孔子曰君

取人廢言微臣敢竊於薦雄揚雄傳贊雄年

京師大司馬車騎將軍王音奇其德必有鄰

文雅召以為門下吏薦雄待詔

語曰德不孤必聖代式光於尊隗史記燕昭

有鄰鄰謂朋鄰

以招賢者謂郭隗曰誠欲得賢士與共國以

雪先王之耻隗曰王必欲致士先從隗始况

賢於隗者豈遠千自羣受命冀復面陳迫以

里哉○代一作政

疾病接於休假注心蓄念寤寐兢惶無任喜

躍屏營之至

為樊左丞讓官表樊左丞戎

臣某言伏奉今月二十八日制除臣尚書左

丞寵命俯臨慙顏自失泛大鯨之海但覺魂

搖戴巨鼇之山列子渤海之東有無底之谷

下帝恐流於西極乃命番彊使巨鼇未如恩

十五舉首而戴之重謝中臣聞尚書百揆翊亮萬機故天上尊北

斗中樞陛下有南宮左轄李固策曰陛下之

北斗也北斗為天喉舌尚書晉昇孔坦諒直

亦為陛下喉舌左轄即左丞

當時孔坦字方平咸和初為尚書左丞深為

漢拜揚喬閑練故事後漢揚喬相帝時為尚

書後以黨錮坐獄賈彪



等上疏曰尚書郎楊喬等文質彬彬建明國

典陛下乃委任近習專任饕餮宜以次貶黜

信帝意稍解庶得百僚有憚於會府諸侯取

法於京師臣實諛才諛小也禮記足謬登清

貫握蘭起草漢官儀尚書郎主作文書起草

於丹昔秦朝經剖竹頒條漢文帝初與郡守

五枚長五寸鐫刻篆書第一至第五各分其

半右留京師左以與之故云剖竹又武帝初

置部刺史掌奉近貽人瘼音莫備歷中外無聞

聲彩版圖再緝貢賦未均於九州謂為戶銅

印更操威儀不檢於三署蔡質漢儀曰尚書

上臺稱守尚書郎中歲滿次郎補闕豈易其

人聖主求才宜難此受竊謂旁求俊又書旁

後人啓迪側訪瓌奇瓌古切必使德合準繩言成

綱紀興化致理時無間言况安上必在於薦

賢危身莫踰於曠職儻蒙垂收紫渙紫渙謂

舊傳武都紫泥用封璽故詔有紫泥之名今

階州故武都山水皆赤為泥正紫色然泥安

能作封當是用為印色耳渙者取易俯矜丹

誠愚臣保陳力之言孔子曰陳力就

責成之地無任覲冒惶悚之極聖鑒有

典覲他謹詣朝

堂奉表陳讓以聞臣所讓人別狀封進

為王戶部薦李諒表

正元二十一年五月以王叔文

為戶部侍郎職如故

臣某言臣聞知賢必進忠臣之大方擇善而

居一作舉明主之要道况臣特受恩遇超絕古

今報國之誠寤寐深切是敢竭愚臣之微分

助陛下之至明恢張羽儀弘輔治化臣某誠

惶誠恐頓首頓首竊見新授某官李諒清明

直方柔惠端信強以有禮敏而甚文敏一作幹求

之後來略無其比臣自任度支副使正元二年

三月以叔文為度支鹽鐵副使以諒為巡官未及薦聞至某

月日荆南奏官敕下赴本道諒實國器合在

朝行臣之所知尤惜其去伏望天恩授以諫

官使備獻納冀他日公卿之任斯焉取斯則

聖朝無乏士之名微臣緩蔽賢之罰漢武帝詔進賢

受上賞蔽賢蒙顯戮無任誠懇屏營之至

為戶部王叔文陳情表

叔文本傳言

喪不發置酒翰林自稱親疾病  
今當請急左右竊語曰母死已

腐方留此將何為此表  
即為叔文請急者也

臣某言臣母劉氏今月十三日

貞元二十一年六月庚戌

忽患瘖風發動

瘖一作暗

狀候非常今雖似退猶

甚虛憊

都活切

驚惶憂苦不知所圖臣唯一身

更無兄弟侍疾嘗藥難闕須臾伏乞聖恩停

臣所職今臣見在家扶持其官吏等並已發

遣訖臣以庸微特承顧遇拔自卑品委以劇

司夙夜兢惶唯思答效至誠至懇天睠所知

豈慮未效消塵遽迫方寸

蜀先主南奔諸葛亮徐庶並從為曹

公所追獲庶母庶辭先主而指其心曰本欲  
與將軍共圖伯業者以此方寸之地也今失

老母方寸亂矣以開塞重輕之務

謂為度支鹽鐵轉運副使加焦

勞憂灼之懷雖欲徇公無由枉志况忠孝同

道臣子之心許國誠切於死生報親忍忘於

顧復

詩顧我復我

進退窮感昧死上陳候母劉氏

疾疢小瘳冀微臣駑蹇再效

一本無此兩句無任惶

懼懇倒嗚咽之至

是月丁丑叔文以母喪去位

代裴中丞謝討黃少卿賊表

按史正元十五年

年黃洞首領黃少卿攻邕管等  
州經畧使孫公器請發嶺南兵

討之德宗不許元和間曰黃承  
慶曰黃少度曰黃昌瓚皆迭起  
為患桂管觀察使裴行立與容  
管經畧使陽旻爭欲攻討憲宗  
許之新史行立傳謂黃家洞蠻  
叛行立討平之而資治通鑑則  
曰行立旻竟無功其抵牾如此

臣某 云云 卽日奉事官米蘭迴伏奉手詔 云

云者 元和十四年詔桂管觀察使 臣聞膚革

既平雖疥癬而必去 國語申胥諫吳王夫差

魯以為愛夫齊魯 豺狼已斃在狐鼠而宜除

警諸疾疥癬也 漢書孫寶傳侯文曰 臣某中伏惟元和聖文

神武法天應道皇帝陛下受命上玄底寧下

土兗渠盡殄威武載揚蠢爾腥膻尚聞凌暴

靈旗斜指 漢武帝為伐南越告禱太一以壯

三星為泰一鋒名曰靈旗為 銅獸俯臨 漢武

兵禱則太史奉以指所伐國 銅獸俯臨 帝二

年初與郡國為銅虎符第一至第五國家三

當發兵遣使者至郡合符符合乃聽受之三

軍知必勝之方萬姓喜永清之路 書曰永微

臣忝司戎律親列顏行 漢嚴助傳如使越人  
之顏行注云顏行猶鴈行在 躡伏波之舊規  
前行故曰顏也 漢光武建武十八年遣伏波  
將軍馬援擊交趾賊徵則等 乘下瀨之故事

漢武征南越東甌有伏波樓船下瀨橫海之  
號元鼎五年遣伏波將軍路博德出桂陽下  
瀨水甲為下瀨將軍下蒼梧注甲故越人歸  
漢者也瀨湍也吳越謂之瀨桂陽蒼梧皆隸  
嶺南所謂黃賊正為患於嶺南耳。瀨音賴。盡瘁事國燕居息或

事國期畢命於戈矛不宿於家將受命之日

思奮身於原野即今日某時出師就道便

披榛蹶石摩壘陷堅左傳宣十二年楚許伯曰吾聞致師者御靡旌

摩壘而還注云摩近也蕩清海隅永息邊徼徼境也切竊

以材非充國敢自贊於無踰漢神爵元年西羌犯塞時充國

年七十餘上老之使御史大夫邴吉問誰可將者充國曰無踰於老臣者矣志

孟公庶追蹤於不伐論語孟之反不伐奔而

齊戰軍大敗不自伐其功故獨殿後也諤承重委寤寐兢惶無

任感恩隕越之至

### 為裴中丞舉人自代伐黃賊表

伏以某官器宇端方風姿詳雅謙虛內敏籌

略共推前佐湖南悉心匡佐後歷郡掾深負

政聲惠愛在人姦邪屏息勤勞已著幹蠱無

倫蠱事也易今黃賊尚據荒陬大巢未覆儻

以某代某之任必能掃蕩氛祲氛祲妖氣也

廓青海濱竊惟斯人雅堪厥職

云云

為崔中丞請朝覲表

代管桂觀察崔

能非是據能傳元和六年為黔中觀察使長慶四年為嶺南節

度使初不為臨桂而長慶初則公已死矣當是崔詠無疑

臣歷刺三州

詠累遷鄧連揔二府舊史憲宗

以鄧州刺史崔詠為邕管經畧使外任逾紀八年十二月復自邕管移桂管

入覲無階就日望雲魂飛心注伏惟睿聖文

武皇帝陛下覆載無私邇遐同致復昇平之

故事繼前聖之高蹤中外踐更出入迭用臣

以虛薄叨受恩榮徒竭夙夜之心未申朝夕

之敬朝傳曰朝不廢夕天威咫尺左傳僖九年王

不違顏咫尺小白余敢貪天子之命無下拜

誠寤寐而無違雲漢昭回詩倬彼雲漢固瞻

仰而何及是以前在朗寧邕州寧封章累上及

移臨桂臨桂星紀屢周下卷有代上中書門

有四年頃在邕州累陳誠恐懇又云自領桂

管又逾再周即謂此也蓋自八年十二月至

十年是月微衷尚隔於戴盆司馬遷書云僕

望積望徒懸於窺管莊子用管窺天用錐指

可與

三

測以蠡葵藿之誠彌切犬馬之戀逾深人欲天

從書民之所欲於茲未驗下情上達終冀不

誣敢黷宸嚴罄陳丹懇伏乞賜臣除替許至

闕庭厠蹈舞於羣僚詩手之舞之備班行於

散地足趨中禁日覩大明俾成九族之榮以

盡百生之幸非敢竊國賓五獻之禮希康侯

三接之恩易晉康侯用錫馬一覲龍顏萬死

為足無任懇迫激切之至至十一年方以裴

使觀察行立代詠為柱管

### 代柳公綽謝上任表公綽字起之京兆華原人有傳

肅恭休命晨夜趨程祗荷寵私不遑寢食以

月日到所部上訖云憲宗元和六年六月

潭州刺史兼御史中丞充湖南觀察臣聞古之制爵祿者爵以

居有德祿以養有功臣本書生正元元年四月

賢良方正直言極諫科宦不期達值某皇帝睿聖文武皇帝文

明撫運書潛哲大闡玄猷搜采衆材幸忝甄

錄甄察也歷踐中外星霜屢移曾無涓塵上

荅鴻造忘其薄陋委以雄藩顧無綏馭之能

謬忝澄清之寄

公綽先為西川節度判官召為吏部郎中踰月拜御史中丞

丞今又兼中丞為觀察故云

將何以敷宣皇澤普諭天慈

唯當察慝以為防視俗而為教蠲除細故務

安黎獻庶幾清靜無擾以慰遠人臣不勝忝

冒荷恩之至

### 代李愬襄州謝上任表

愬隴右臨洮人元和十二年

有詔入蔡州擒吳元濟十一月

州刺史山南東道節度使然

州與嶺表遼絕而公自柳州

捧對絲綸

禮記王言如綸其出如綸

慙悸無地拜命兢悚

不知所裁臣凡賤瑣材智略無取幸賴先臣

緒業

愬即西平王晟之子晟有大功於唐

累忝國恩天澤曲流

遂司節制

元和十一年十二月愬自宮苑開使拜檢校左散騎常侍兼鄧州

刺史充隋唐鄧節度使

寄深分閫任重專征顧無將領

之才謬處衆人之上豈謂宸私軫念仁育為

心霈澤無涯德音屢降士衆感悅咸思竭忠

遂得潛師暗入賊境不意兇渠就戮此皆聖

謨豈敢叨天以為已力

左傳僖二十四年介之推曰竊人之財猶



謂之盜况貪天之功以為己力乎仰荷殊造重於丘山臣以

月日上訖謹當敷宣皇化普諭聖慈綏撫三

軍又安百姓冀以塵露上荅鴻私臣云云

### 代節使謝遷鎮表

鴻私曲臨獨越夷等祇荷明命寤寐不遑臣

才非器能謬膺仕進雖竭盡駑劣力效忠勤

冀寡憊尤敢望官達某宗皇帝德宗也不以臣

儒術淺薄超授禮官尋遷正郎遂忝符郡某

皇帝順宗也不遺臣小善擢處諫曹叨承厚恩

備職藩翰顧惟瑣劣多慙負恩伏遇陛下憲宗

也德紹唐虞無私庶政臣尸素歲久謹謫宜

加豈冀褒昇更遷重鎮再忝澄清之寄仍同

獻替之榮將何以上荅天慈下安氓庶臣當

務修農稼率勵遠人鋤其奸慝以副勤恤無

任云云

為劉同州謝上表劉同州未詳德宗貞元十八年以同

州刺史劉公濟為鄜州刺史鄜坊丹延節度使豈即此人耶

臣某言伏奉某月日制除臣同州刺史兼本

州防禦營田長春宮使某月日到州上任訖

臣初奉綸言震抃無極及臨所部驚懼逾深

投軀莫報於乾坤陳力無裨於造化臣某誠

惶誠恐頓首頓首臣出自諸生不習為吏有

惟懦之質惟懦弱也上音無區處之能託跡

儒門乏仲弓南面之德論語雍也可使委身

郎署闕馮唐論將之對漢書馮唐以孝著為

居代時吾尚食監高祛數為我言趙將李齊

之賢戰於鉅鹿下吾每飲食未嘗不在鉅鹿

也父老知之乎唐曰齊尚不嘗懼刃冒清川

無穢聖朝豈意天聽忽臨鴻恩荐及八命作

牧周禮春官一命受職再命受服三命受位

命作牧九一麾出守顏延之五君詠曰屢薦拔

自下位寄之雄藩非臣庸瑣所宜膺據况馮

翊密邇王都古稱三輔漢世左馮翊右扶風

郡名即同州爰自近代命秩逾崇有兵食之虞有

宮室之制同州防禦長春宮皆公卿將相出

入由之仰徵甲令猶言第一至第幾也俯窺

圖記跼躄無地也跼躄謂蹙也以兢以惶

恩重命輕不知所效庶當刻精運力一本作

力夙夜祇勤上奉雍熙旁流愷悌以日繫月刻精畢

儻或有成庶幾之心懍懍增惕徒望雲而就

日史記汝勛其仁如天其智如神就之如日望之如雲喜近帝鄉後漢南陽

帝鄉多將擊壤以成風共歌堯代天威咫尺

敢布丹誠無任悃懇屏營之至

代裴行立謝移鎮表

行立移鎮在公卒後裴蓋他人

編之文誤在此

星言卽駕詩星言風駕便道之藩祇荷寵勞不敢

寧息臣某爰自弱齡卽忝推擇階緣試吏累

忝清資先聖以臣粗知兵要俾統師徒交蠻

倣擾黃賊不馴奉詔俾臣撲滅氛禋元和八年八月

以蘄州刺史裴行立為安南都護安南漢交趾郡也十二年遷桂管觀察使十四年令行

立討黃士眾賈勇左傳高固曰欲思酬渥恩

冀因此時得立微效豈謂時多疫癘不副憂

勤知臣特深復洗瑕責夙夜感戴捐軀有期

徒增憤勇力未從願微臣不幸釁故重重泣

血摧肝載崩載咽陛下龍興御極元和十五年正月庚

子憲宗崩閏月丙午寰海永清道暢八埏地有八

洽靡不周泰伏蒙累垂休命遂越等夷循省

何人過膺抽擢是歲二月行立自況臣比臨

此鎮備更夷險故材舊壤宛在目前蓋言前

經畧今復雖則殊鄉還同衣錦量巨鼇之力

未足負恩猶蚊蚋之微焉能報德將何以宣

揚聖造撫慰疲羸唯當遵守詔條貶棄奸慝

平勻徭賦示以義方持清靜以臨人守無訟

以奉國重修前志再礪戈矛展駑駘之効音駘

臺申鷹犬之用庶荒陬夷獠盡沐皇風率土

生靈備聞斯慶微臣之志也限以云

代韋永州謝上表公謫永州作州刺

人元元和元年刺史韋公見賀改

土院記元和五年以前刺史崔

君敏見南池集序及墓後誌

又有刺史崔簡未上被罪見簡

墓誌集文等篇元和七年八月

刺史即此所謂韋永州也表云

後無其書余曰亦

臣某言伏奉月日制書除臣永州刺史以月

日到州上訖受命若驚臨職彌懼臣以無能

累更事任神州赤縣史記騶衍中國名曰赤縣神州赤縣神州內自

有九州禹之序九州是也不得為州數中國外如赤縣神州者九乃所謂九州也神赤皆

美言也實所備嘗過量逾涯每深兢惕不謂聖

恩推擇濫駕朱輪漢志中二千石二千石皆皂蓋朱兩幡祿秩

徒增詎施乳哺之惠服命虛受寧興襦袴之

謠况此州地極三湘俗叅百越左衽居椎髻

之半孔子曰微管仲吾其被髮左衽矣陸賈使南越南越王尉佗難結箕倨見賈難

卽推結卽髻可墾乃石田之餘左傳哀十一年

志於齊猶石田無所用之曠牧守於再秋彌驕獷俗獷古切

代征賦於三郡重困疲人分灾本出於一時

左傳凡侯伯救患分灾討罪禮也積弊遂逾於十稔撫安未

易知法出而姦生董仲舒策曰法出而子育姦生今下而詐起

誠難懼力勞而功寡夙夜憂切不敢遑寧庶

當宣布天慈奉揚神化以日繫月儻或有成

少裨愷悌之風用荅生成之造無任感恩隕

越之至

謝除柳州刺史表

諸本表首云伏奉三月十三日制除

臣使持節柳州諸軍事守柳州刺史六月二十七日到任上訖惟通鑑云三月乙酉除命而長曆乙酉為十四日此云十三日誤字

早以文律參於士林德宗選於衆流擢列御

史貞元十九年陛下嗣登寶位微臣官在禮

司憲宗即位時百寮稱賀皆臣草奏臣以不

慎交友旋及禍訕許容切聖恩弘貸謫在善

地累更大赦獲奉詔追違離十年一見官闕

親受朝命牧人遠方漸輕不宥之辜特奉分

憂之寄銘心鏤骨無報上天謹當宣布詔條

盡竭駑蹇皇風不異於遐邇聖澤無間於華

夷庶荅鴻私以塞餘罪

柳州謝上表

貞元中代人作

臣某言伏奉詔書授臣柳州刺史以今月二

日至部上訖中謝臣前歲以久停官秩去年蒙

聖恩除替便欲裂裳裹足趨赴京師以舊疾

所嬰彌年未愈逮及今夏始就歸途襄陽節

度使于頓貞元十四年九月與臣早歲同

官見臣當暑在道懇留在館尋假職名意欲

厚臣非臣所願伏惟陛下光被之德道以洽

於區中憂濟之勤心每徧於天下常以萬邦

共理必藉於循良一物不遺尚延於愚藐遠

也莫切假臣寵渥重領方州駑駘復效於奔馳

枯朽更同於華秀謝中臣聞潢汚易竭潢汙小水也左

氏傳潢汙水抑有朝宗之願書江漢朝犬馬無

識猶知戀主之誠揣分則然惟天知鑒況臣

昔因左官漢書諸侯王表武有衡山淮南之

之列以右為尊故降秩一紀于外子牟馳心

於魏闕莊子中山公子牟曰身在江湖之上

闕人君汲黯積思於漢庭漢武帝以汲黯為

今病力不能任郡事願為中郎豈非夫人獨

無斯戀去就者榮辱之主朝廷者仕進之源

臣子之宜忠貞所志臣雖心同犬馬而分比

潢汚幸躡康衢意非往蹇往蹇來譽往蹇來

則得譽且臣之此誠口不能諭意欲悉達文

得位也

非盡言此臣所以自咎自恨復乖志願猶冀

苦心勵節上奉詔條惠寡卹貧下除人瘼恭

宣皇化少荅鴻私不勝慌欣之至慌博雅云忘也音荒

代廣南節度使舉裴中丞自代表此表

當是長慶後廣南節度使舉裴中丞武自代非裴中丞也亦

他人作誤錄于此

前件官器宇深沉天才間出爰從撫字逮于

察廉所職恪勤庶務皆勸日者安南夷獠反

叛害其連帥元和十四年十月容管奏安南

古及妻子官屬部曲千餘清世為蠻酋象古

召為牙將清鬱鬱不得志象古命清將兵三

皇帝以某威惠茂著自某州刺史俾之撫臨

是月憲宗以唐州刺史夙夜經行盡除兵器

賊徒識恩黨種歸義炎荒之俗靡不底寧武仲

至安南揚清距境不納清用刑慘虐其下離

心仲武遣人說其酋豪數月間降者相繼得

兵七千後改鎮容州長慶二年十一月以勳

效彌顯澄清庶類邁德前修深負能名合遷

重鎮臣自惟凡懦不逮前人伏乞天恩廻授



某非惟旌德是亦飾能庶微臣免尸祿之憂  
某獲無私之舉

奏薦從事表

某績茂戎軒才優管記操刀必割賈誼傳日中必篋操

刀必割王褒聖主得賢臣頌曰巧冶

砥斂其鏑水斷蛟龍陸剝犀革去落筆不休

傳毅字武仲為寧慙倚馬世說相宣武北征

免會草露布文喚袁倚馬前令作手不輟筆

馬萬言倚况早登科選夙洽時譚匪惟詞藝雙

美抑亦器能多適比於流輩頗為滯淹輒敢

薦陳伏希獎錄

代廣南節使謝出鎮表

鄭細傳初拜中書侍郎加

集賢殿大學士轉門下侍郎憲

宗初勵精求理細與杜黃裳同

當國柄黃裳多所關決首建議

誅惠琳斬劉闢及它制置細謙

默多無所事由是出為嶺

鴻霈曲臨惶駭交集捧對綸綍禮記王言如  
上音倫不知所圖臣中臣聞蕭曹佐漢六合  
下音緋

為家奭望匡周萬方同軌文車同軌臣幸以

芻賤累忝殊榮天德荐臨遂加台政不能翊

宣明聖增日月之光俾兇渠勦絕書天用勦絕其命

勦子人用康寧實由臣不稱職使此艱患使

小切作伐檀興議詩伐檀刺貪也在位貪鄙無負

乘招譏易負且乘致寇至負也者小人之事

子之器盜常懷覆餗之虞易鼎折足覆餗也

速敢望專征之寄元和四年二月細罷為太

獻俘未遠展効有期希此微功上荅殊造無

任云云

為揚湖南謝設表德宗正元十八年九月以太常少卿

楊憑為潭州刺史湖南觀察使

癸亥宴羣臣于馬磷山池上賦

九日賜宴詩六韻賜

之敕設豈亦此時耶

臣某言中使某乙至奉宣聖旨賜臣長樂驛

設者恩榮特殊宴飲斯及顧茲厚禮猥集微

躬臣某誠懽誠慶頓首頓首臣以多幸屬此

昌時任重方隅職忝文武甘受素餐之刺詩

君子兮不知無肉食之謀左傳莊公十年齊

素祭兮不知無肉食之謀左傳莊公十年齊

惶寤寐無措豈謂鴻恩繼至豐膳爰來陸海

兼陳陸海即水陸也飴醴皆設說文飴米蘖煎也醴酒名飴音怡一作酒

庶當奉揚聖澤覃布遠人流愷悌於皇風均

乳哺於赤子少陳微効上荅殊私無任感恩

欣躍之至

為武中丞謝賜櫻桃表

武元衡貞元二十年遷御

史中丞公集有諸使兼御史中丞壁記曰武公以厚德在位甚

宜其職云

臣某言中夜某乙至奉宣聖旨賜臣櫻桃若

干者天睠特深時珍荐降寵驚里巷思溢圓

方員方謂俎豆臣某誠喜誠懼頓首頓首伏以含

桃之羞時令攸貴禮記月令仲夏之月天子羞以含桃先薦寢廟沉

今採因御苑分自天厨使發九霄集繁星而

積耀味調六氣承湛露而不晞詩湛湛露斯匪陽不晞晞

也盈昔而外被恩光昔目也疾智適口而中

含渥澤顧慙素食詩彼君子兮不素食兮彌切自公詩

公委蛇自豈圖君子所先遂厭小人之腹左

昭二十八年顧以小人無任云云

腹為君子之心屬厭而巳

謝賜時服表

此表代人作

祇荷寵私啓處無地

詩不違啓處

臣謝中臣久忝朝

行歷職無効荏苒星紀偷榮歲時不能少益

聖猷以副深寄致使賊遺君父

東漢耿弇在張步帝在魯

聞弇為步所攻自往救之未至副將陳俊謂弇曰剽盜兵盛且可閉營休士以須上來弇

曰乘輿且到臣子當擊牛醢酒以待百官反欲以賊虜遺君父耶艱難未息

合處嚴憲以正國章伏以陛下恢天覆之恩

廣地載之厚不循彝典俾同冕紱重劇丘山

捧戴以入闔門空知夕惕易夕惕若厲無咎裁逢

為衣服固可晝行項子曰富貴不歸故鄉如衣繡夜行內省疲

驚將何荅効

謝賜端午綾帛衣服表

公在柳州作亦代它人作

綸言曲臨寵服荐至跪捧殊錫慶躍交并臣

謝中臣謬典方州効微涓滴叨承大貺榮重丘

山非才忝恩俯伏慙荷朱明啓節爾雅夏御為朱明御

府賜衣沐聖澤而溟海方深被仙衣而鶴龜

齊壽馳心向闕跼影望天足切慙分五嶺之

憂裴氏廣州記云大庾始安臨賀旌陽揭陽是為五嶺五嶺者西自衡山之南東窮于

海一山之限耳而別標名則有五焉莫副九重之詔臣無任

云

河東先生集卷第三十八

河東先生集卷第三十九

奏狀

為廣南鄭相公奏百姓產三男狀

公鄭綱也元和五年出為廣南

右臣所部貞節坊百姓某妻產三男者臣詳

究往例實謂休徵洪範曰休徵曰已量事給

綰三十疋充其乳養者伏以陛下勤卹黎元

感通天地靈心昭荅景福詩介爾景福景大也方

使億兆繁滋書紂有億兆人離心離德風俗通曰十萬曰億十億曰兆

區夏充牣音甫也故表祥於宇育是啓運於昇

平事杳化源慶延邦本鱗羽之瑞曾何足云

臣幸列藩維嘗叨樞近私賀之至

為薛中丞浙東奏五色雲狀元和三年正月

以湖南觀察薛平為浙東觀察

元和十二年薛戎拜越州刺史

兼御史中丞浙東觀察使未詳

右臣得管內台州奏浙東管越睦衢月日五

色雲見者一州官吏僧道耆老悉皆瞻覩已

具奏聞并寫圖奉進者伏以景雲上瑞景雲慶雲

也孫氏瑞應圖曰景雲者王者祉符煥彩彰

之在天知聖德之昭感伏惟陛下化孚有截

詩相土烈烈海外道洽無垠承天地之貞明

有截注截整齊也道洽無垠承天地之貞明

易天地之道導陰陽之和氣紛紛郁郁史記

貞明者也非煙若雲非雲郁郁紛紛自東而徂西若煙非

煙一旬而再至徵諸古諫牒音事罕前聞伏乞

宜付史官以昭簡冊

為裴中丞奏邕管黃家賊事宜狀裴中

丞桂管觀察使裴行立也前

卷有代裴中丞謝討黃賊表

右今月四日邕管奏事官嚴訓過謂過桂州稱押

衙譚叔向等與黃家賊五千餘人謀為翻動

雖已誅斬猶未清寧當時差本道同十將其

至邕管界首賓州以來迎探事宜兼為聲援

昨得十四日狀并嚴訓狀報同其黃家賊並

已退散各歸洞穴訖伏以鼠竊狗偷非足為

患陛下威靈遠被神化旁行遂使姦猾之謀

猾一作狡先期而自露回邪之黨不戮而盡夷伏

恐飛章已達吉語未聞尚軫天心猶煩廟筭

臣謬居方鎮忝接疆界所得事宜不敢不奏

讓監察御史狀公拜監察御史裏行

載名衙無裏行字後入妄削耳

右臣伏准名例律諸官與父祖諱同者不合

冒榮居之律十二篇名例律其第一也節文

之者免臣祖名察躬今臣蒙恩授前件官以

幼年逮事王父禮律之制所不敢踰臣不勝

進退惶恐之至謹詣光順門奉狀以聞伏聽

勅旨貞元十九年閏十月日承議郎新除監

察御史臣柳宗元奏奉勅新除監察御史柳宗元祖名察躬准禮二名不偏諱不合辭讓年月日檢校司空同中書門下平章事杜佑宣

為京兆府昭應等九縣許夏苗旱損

狀

貞元十九年正月不雨至七月時京兆尹李實也然史傳謂關中大歉而實為政猛顧百姓所許一不介意其說恐未必然按正元二十一年二月以鴻臚卿王權為京兆尹此狀許夏苗旱損而首云謬領京畿已逾兩月疑與此合耳

右臣謬領京畿已逾兩月政術無取誠懇莫申遂使兩澤憊時田苗微損夙夜兢懼寢食靡遑今長安一十四縣當作二並准常年例全徵並一作皆其昭應等九縣臣各得狀並令詳審各絕隱欺謹具別狀封進臣當府夏稅通計約二十九萬石已上據所損矜免祇當三萬石有餘恤人則深減數非廣伏以聖慈弘貸憫念蒸黎臣忝職司不敢不奏無任慙懼之至謹錄奏聞伏聽勅旨



為南承嗣請從軍狀

故某官贈某官南霽雲男某官承

嗣

右臣亡父至德之歲死節睢陽至德二載十月安祿山陷

睢陽霽雲死之陛下每降鴻恩必加褒寵霽雲初贈開府儀同

三司再贈揚州大都督臣自七歲即忝班榮承嗣七歲為婺州別

駕垂五十年常居祿秩再守遐郡歷刺施州績

用無成終貽官謗甘就嚴譴承嗣為涪州劉闢反承嗣以無

備謫永州集有送南涪州量移澧州序云始

而刀筆之吏以簿書校計盈縮受譴茲郡蓋謂永州也無以負荷先志

報效殊私以慙以懼隕越無地伏見某月日

敕以王承宗負恩干紀命將徂征元和十四年十月以

神策右軍中尉吐突承璀討王承宗雷霆所加殄滅在近臣竊

不自揆思竭忠誠願預一卒之任以荅再生

之幸庶得摧鋒觸刃摩壘搴旗冀獲盡於微

誠儻不墜於遺烈踊躍之至夙夜不寧敢希

皇明俯鑒丹懇臣聞周官攷藝國子置車甲

之司周禮夏官司馬有職其文關漢道推恩孤兒備羽

林之用事詳注南府君睢陽廟碑及千秋思

奮於事越漢南越傳粵至武帝時獨其相呂

粵又有王應獨相嘉為害願仲孺期死於奔

得勇士三百人必斬嘉以報仲孺期死於奔

吳史記灌夫字仲孺張孟嘗為穎陰侯灌嬰

嬰為將軍屬太尉請孟為校尉夫以十人與

父俱孟年老死吳軍中夫奮曰願取吳王若

將軍頭以報父仇夫募軍中壯士義激君親

所善願從者數十人馳入吳軍

名高竹帛臣雖無似有慕昔人雖身塗草野

死而不朽披肝瀝血昧死上陳無任懇迫

憤之至謹錄奏聞伏候勅旨

進農書狀

右伏奉某月日勅宜以二月一日為中和節

所司進農書永以為恒式者正元五年正月

月一日為中和節以代正月晦日備三令節

內外官司休假一日宰臣李泌請中和節

令百官進農書司農獻種徒之種王公戚里

上春服士庶以刀尺相問遺村社作中和酒

祭勾芒以祈臣伏以平秩東作虞書立制堯

年穀從之文之俶載南畝周雅垂文周頌良此皆奉天

時以授人盡地力而豐食一作於自陛下惟

新令節益勵農功既立典於可傳每陳書而

作則耕鑿之利敷帝力於嘉謨稼穡之難動  
天心於睿覽勤勞率下超邁古先凡在率土  
不勝幸甚前件農書謹函封進謹奏

代人進甕器狀

甕器若干事

此字無

右件甕器等並藝精埏埴

埴和也土黏曰埴老子埴埴以爲器埴式埴切

制合規模稟至德

之陶蒸自無苦窳

舜陶河濱器皆不苦窳窳病也音愈

合太和

以融結克保堅貞且無瓦釜之鳴

賈誼賦黃鍾毀棄瓦

釜雷

是稱土鈿之德

非土鈿瓦器也以盛羹韓

土鈿音刑器慙瑚璉

孔子謂子貢女器也瑚璉也

璉音殷曰璉周曰簠

貢異器丹

書厥貢爲金三

砥音如

既尚質而爲先

禮記器用陶

亦當

無而有用謹遣某官某乙隨狀封進謹奏

柳州舉監察御史柳漢自代狀

公元和十

年三月出爲柳州六月二十七日到任後作

右伏准從前赦文

元和六年十月十七日勅

常叅官上後

上三後舉一人自代者伏見前件官頗有才行

長於政術久歷嶺南使職臣之所知敢舉白

代無任懇迫之至

上戶部狀

左降官負外置同正負俸料舊用戶部省負關官錢充今請改授正官占關不用上件錢每年約計數萬貫此表柳

刑作

右伏以左降官是受責之人都不釐務戶部

錢是准敕收貯不合別支又所授負外官亦

非舊制宗元在永州日見百姓庄宅公驗有

司戶李邕判給處足明皆是正官今請悉依

故事為准並廢負外所置凡在貶黜授以正

負責其成功俾無虛授貯錢既免支用加數

足應軍須實冀貨不濫分官無曠職謹狀

柳州上本府狀

莫誠救兄莫蕩以竹刺莫果右臂經十一日身死其莫誠禁在龍城縣準律以他物毆傷十二日辜辜內死者各依殺人論○本府謂桂管觀察府也

右奉牒准律文處分者已帖縣准牒待秋分

後舉處分訖伏以中丞謂裴慈惠化人孝悌

成俗屬吏所見皆許申明至公之下敢竭愚

慮竊以莫誠赴急而動事出一時解難為心

豈思他物救兄有急難之戚詩兄弟中臂非

必死之瘡不幸致殂揣非本意按文固當恭

守撫事亦可哀矜斷手方迫於深哀田榮曰

則斬手即謂此斬手也周身不遑於遠慮周防

律宜無赦使司明至當之心情或未安守吏

切惟輕之願書罪疑况俟期尚遠稟命不遙

伏乞俯賜興哀特從屈法幸全微命以慰遠

黎則必闔境荷慈育之恩豈惟一夫受生成

之賜儻以律文難變使牒已行則伏望此狀

便令廢格音閣輕賜塵蹟惶戰交深謹錄狀上

奉聽處分

為裴中丞伐黃賊轉牒

當管奉詔當管謂與諸管齊進諸管謂容管

路誅討邕管草賊黃少卿漢軍馬步等若干

人各具兵馬數及軍將若干前牒奉處分竊

以天啓昌期大功畢集神開興運微惡盡除

黃少卿等歷稔逋誅舉宗肆暴初黃洞首領

少卿子昌馮昌璫等自貞元以來數為邊患前後陷十餘州至是行立與容管經畧使湯

是欲傲幸立功爭恃狡兔之穴戰國策狡兔得

請討之上從之免其死耳窟穴也踰伏偷安王文考魯靈光殿賦曰

足憑孽狐之丘莊子步仞之丘陵巨獸無所

孽祥跳踉見怪跳音迢以為威弧不射易弧

天利以威天網可逃老子天網恢恢疎而不失侵逼使臣隳

犯王略恣其毒虐速我誅鋤敵國盡在於舟

中史記吳起謂武侯曰君不還師已期於席

上趙充國上屯田十二事其一事曰治隍陁

從枕席謂宜投戈頓顙面縛乞身左傳僖五年

縛街壁面縛者謂縛歸郡邑於王官效黎獻

於天吏書萬邦黎獻黎民之賢而乃繕

兵補卒增壘閉途正當天誅之辰書天討有

用更積鬼誅之罪莊子為不善于幽闇眾輕

關蟻晉殷仲堪父嘗患耳聰勇劣怒蛙韓非

越王伐吳吳人之輕死也出見怒蛙乃為之

亦見異織編當強弩之初韓安國傳強弩之事

素孤豚債肥牛之下左傳昭公十二年牛雖

債佛問切事同拾芥力易摧枯杪忽蜂腰虛

又音憤

見辱於齊斧

易旅卦旅于處得其資斧子夏傳及眾家並作齊斧張執云齊

斧蓋黃鉞也齊側皆切

突梯首鼠濫欲寄於旄

頭勦絕有時

命書天用勦絕其不索何獲云左氏

國有言曰

某行拱稽致命

吳語擁鐸拱稽注云拱持也稽察戟

也或云稽

執銳忘生

被堅執銳車甲既備於

小戎

詩小戎兵車也注

鯨鯢豈逃於誅戮左傳

二年古者明王伐不敬取其鯨鯢而封之以為大戮鯨鯢大魚名以喻不義之人吞食小

國竊觀上略

兵法有上略總制中權左傳宣十

慮無中權後勁權謀也戰士義激於身心列

於勞成於臂指蹶張之技

漢申屠嘉以材力蹶張從高祖擊項

脚踏強弩張之故曰蹶張

盡出於山林技距

之材

漢甘延壽傳投石技距絕於等倫顏師古云技距者有人連坐相把據地距以

為堅而能

編徵於川洞

南夷皆居洞賞懸香

餌黃石公記曰芳餌之下必有死夫

令布疾雷莫

不鼓舞戎行虔恭師律

易師出以律否投軀

不德於羽檄漢高祖曰吾以羽檄徵天下兵

為羽示急也以跂足惟俟於牙璋

周禮典瑞

象故以牙璋發兵也跂舉踵也為牙璋齒兵切

今月某日奏事官米蘭迴捧受詔命神飛首

勇足蹈心馳蹈舞蹈也詩懽聲洽於萬夫勝

氣橫於千里國容不入司馬法曰古者國容不入軍軍容不入國

履且入於寢門左傳宣十四年楚使申舟聘于齊及宋宋人殺之楚子聞

之投袂而起履及於室皇劍及及家事勿聞土

於寢門之外室皇寢門闕也

已填於左闔日國語勾越代吳入命夫人自今

有辱是子也外有辱是我也王出夫即以月

人送王不出屏乃闔左闔填之以上宿為分道

日全軍出次左傳莊三年九師一宿為分道

進進所期戮力敢告同心孔大夫御史大夫

使孔貞直冠時清明格物禮記清明在躬又

云格來也全體許國一心在公兵精食浮浮

也為日固久容府楊中丞御史中丞容管經

楊以義烈為已任勳襲太常太常以安南李

中丞御史中丞安南以襲武為家風象古嗣

子業傳彛器彛謂並膺邦寄克達皇威南則

浮海濟師共集堂堂之陣孫子勿擊東則橫

江警衆用成善善之功孫子見勝不過衆人

也詩緇衣以明有國善善之功非善之善者



坐觀盡敵刑惟勿喜誅有可哀徵側之勇冠

一方竟就伏波之戮馬援傳交趾女子徵側及徵貳友於是壘書拜

援伏波將軍南擊之軍至浪泊上與賊戰呂

遂大破之援徵側等斬其首傳洛陽

嘉之威行五嶺終摧下瀨之師漢武帝時南越王願欲內

附獨其相呂嘉建德反朝廷於是命路博德

為伏波將軍楊僕為樓船將軍及歸義粵侯

二人為下瀨將軍共討之嘉遂與其屬數百人

亡入海尋復追降之南粵乃平見南粵傳

嗟此陋微自貽擒滅勉成良畫速致殊勲雖

荒檄之地固不勞於有征而昇平之年將自

此而何事書之竹帛實謂揚名事須移牒隣

管以成犄角左氏譬諸捕鹿晉人角之戎人犄之舉牒者

賀誅淄青逆賊李師道狀

右今月三日元和十四年三月初三日得知進奏官某報

前件賊以前月九日二月九日克就梟戮者

伏以天啓聖期神資良弼書夢帝賚必有懲

討以致昇平蠢爾兇渠詩蠢爾蠻荆說文云蠢爾動貌敢行

-5 200 45 920" data-label="Text">

悖亂締交於雷霆之下締結也效逆於化育

-55 200 105 920" data-label="Text">

之辰逞豺聲以欺天左傳豺聲忍人也恣狼心而

-105 200 155 920" data-label="Text">

犯上左傳狼心嘉謨克協威命旁行破竹寧比

-155 200 205 920" data-label="Text">

子野

其發機

杜預伐吳曰今兵威已振譬走丸未

喻於乘勝

孫子如九濁河清濟黃河曾無溝

洫之虞大峴琅邪

劉裕伐南燕慕容超不從遂

敗河濟大峴琅邪皆淄青不聞崖岸之阻天

兵四合賊衆屢摧然後赦劫脅之辜許其歸

復寬註誤之典註右切期以撫循外怛皇威中

感聖德雖在臯鏡郊祀志古者天子祠黃帝

破鏡獸名食父豈不知歸是以未極誅鋤遠

聞內潰鯨鯢已戮見東海之無波氛沴盡消

庚音仰太陽之普照功格于天地化合于陰

陽一德方繼於商書書惟尸躬暨降神自同

於周雅詩維嶽降神遂使垂白遺老再逢大

寶之安大寶一縉紳諸生遠期貞觀之聖基

特承朝獎謬列藩臣常以突刃觸鋒未爲效

節高原潤草豈足酬恩寤寐撫心不遑寧處

今則削平之際慙無尺寸之功開泰方初徒

受丘山之寵無任憤激屏營之至抃舞歡慶

倍百恒情

賀平淄青後肆赦狀

右伏奉二月日德音一本云二以淄青削平

慶賜太洽率土之內抃躍無窮伏以周滅三

監俱明誅放之罰書武王崩三監及淮夷叛

其地為三國詩風邶鄘衛是也邶以封紂子

武庚鄘管叔尹之衛蔡叔尹之以監殷民謂

之三漢平七國更嚴斬殺之科景帝紀七國

夫將軍竇嬰將兵擊破之六月詔曰今淄等

已滅吏民當坐淄等及逋逃亡軍者皆赦之

楚元王子藝等與淄等為逆朕未有翦覆竟

不忍加法除其籍毋令汚宗室未有翦覆竟

渠撫存疑類威暫行而德洽誅纒及而恩加

操兵者悉獲歸休秉耒者更聞優復與之種

食分以貨財疾苦盡除鰥孤咸育葬戰死之

骨增以賞延憐刃傷之肌存其廩給滌山川

之舊汚申節義之餘寃功多受三事之榮詩

事大大莫肯夙夜注云三事謂三公也元和

捷到祭西加弘正檢校節著有十連之寵禮

十國以為連連有帥是月庚午以淄青都

知兵馬使劉悟為義成軍節度使故云較

然逆順益以彰明和氣遠周罷七旬之干羽

書舞干羽于兩仁風溥暢收六月之車徒詩

階七旬有苗格

月樓樓戎  
車既飭  
寰海永康  
夷夏均慶  
某忝司戎  
旅

獲奉昇平  
當伊尹無  
耻之辰  
書伊尹曰予弗

舜其心愧耻  
見咎繇  
惟輕之德  
惟書罪疑  
扑躍

之至倍萬  
恒情無任  
慶賀之至

賀分淄青  
諸州為三  
道節度狀  
一作使

右某伏見  
某月日制  
分淄青諸  
州為三道  
節

度都團練  
觀察等使  
者  
元和十四年二月命

宣撫使并分師道地於陵按圖籍視土地遠

近計士馬衆寡校倉庫虛實分為三道使之

風溥暢  
一作遠暢  
裂壤既分  
其形勝經  
野必正其

提封  
周禮體國經野注  
河濟異宜  
惟書濟州

岱殊服  
惟書海岱  
八命作牧  
周禮八命作伯  
無聞

威福之源  
十國為連  
見前  
已肅澄清  
之政鼠

無夜動  
左傳襄二十三年夫鼠晝伏  
鴉變好

音  
詩翩彼飛鴉集于泮林  
惠澤豈俟  
於崇朝

仁化寧期  
於必代  
孔子曰如有王  
遂使琅邪

即墨田生  
無慮其異  
謀  
漢高帝六年田肯賀

之饒南有泰山之固西有濁河  
聊攝姑尤  
晏

之限非親王子弟莫可王齊者

子但聞其善祝

左傳昭二十年晏子曰祝有益也詛亦有損聊攝以東姑尤以西為人也多矣雖其善祝豈能勝億兆

之詛聊攝齊西界也平原聊城縣東北有攝

城姑尤齊東界也姑水尤恭以相公暮參禹

水皆出城陽郡南入海績詩云芒芒禹績畫為九州制出蕭規揚子蕭也規曹也隨光輔聖

神左傳楚康王曰宜夫子之永康黎獻其獲

逢開泰忝守方隅忝躍之誠倍百恒品

為裴中丞上裴相賀破東平狀裴中丞行

立賀裴相度

右伏以逆賊李師道克就梟擒已具中書門

下狀賀訖某忝居末屬行立與特受深恩踊

躍不寧輒復披露竊以自古中興之主必有

命代之臣一德同功以叶休運故申甫方召

謂申伯尹吉甫方叔召虎成宣王復古之勲詩車攻宣王復古也宣王

能內修政事外攘夷狄復文武之境土吳鄧寇耿謂吳漢鄧禹寇恂耿弇

致光武配天之業此皆上下齊志中外悉心

雖成功則多而陳力甚易豈若閭下挺拔英

氣邁越常流獨契聖謨以昌鴻業廟略初定

異議紛然詆訕盈朝萋斐成市詩萋兮斐兮成是貝錦

萋音妻 閻下秉心不惑定命彌堅詩訐謨討

淮右之兇則下車而授首淮右謂服恒陽之

虜則馳使而革心恒陽謂王承宗度在淮西

濟就擒王承宗破膽矣願得書往說之可不

煩兵而服度遣之承宗懼請以二子為質及

獻德棟况師道惡稔禍盈鬼怨神怒恣行悖

慢敢肆欺誣天兵四臨所至皆捷次又捨其

將校許以歸還罪止一夫恩加百姓豺狼感

化梟鏡懷仁梟鏡已見上注自致誅夷以成開泰萬

方有慶四海無虞遂令率土之人盡識太平

之理盛德大業振古莫儔然則布政明堂勤

功東嶽光垂後祀輝映前王神化永屬於聖

君崇勲實歸於宗袞慶賀之至倍萬恒情

為裴中丞上裴相乞討黃賊狀

其材質無堪授任非次當有事之日忠懇莫

施遇成功之辰慙憤空積陳力之志誓死不

逾伏惟仁恩終賜展效今者中華寧謐異類

服從唯此南方尚餘寇孽伏以黃少卿等憑

培塿以自固自關而東小冢謂之培塿又云

切合莖脆以為強莖寸卧切脆此劫脅使臣

侵暴列郡雖狐鼠之陋無足示威而蜂蠆之

微蠆五邁切猶能害物必資翦伐方致和平庶盡

駑蹇之勞以荅恩榮之重撫心踴躍夙夜不

寧私布丹誠敢期明鑒無任感激屏營之至

為桂州崔中丞上中書門下乞朝覲

狀中丞崔

右某幸遇文明叨承委寄理戎典郡十有四

年瞻戀闕庭神翬飛越頃在邕州元和五年八月詠白

鄧州刺史除為邕累陳誠懇謬尸進律之寵

禮記有功德於未遂執珪之願左傳朝聘有圭詩以其介

主人覲相公膺賢輔聖大叙倫彛書彛倫中

外之臣出入更踐某自領桂管元和八年十月

管又逾再周注見前卷為崔企鸞鷺於紫霄

獨無羽翼仰星辰於黃道渾天圖天有黃赤

四時遊於黃徒竭丹誠况正月會朝遠夷皆

至周官春六歲來見要服有期書六年五服

服者貢注云要豈使班超之望長懸東漢班超

服六歲一見

以父在絕域年老思歸十二年上疏曰太公封齊五世葬周孤死首丘代馬依風夫周齊同在中土千里之間况於遠處絕域小臣能無首丘依風之思哉子牟之戀

空積莊子魏公子牟曰身居江伏乞特申微

願錄受冗負微故事而不遺揆夙志而斯畢

入天子之國願附禮於小侯拜丞相之車袁

為吳相告歸道逢丞敢希榮於下客作上一無

任懇禱屏營之至輕瀆威重戰汗伏深謹狀

一本止於下客無後數句

為南承嗣上中書門下乞兩河效用

狀

右伏以越敗夫差多會稽納官之子越語孤子寡婦

疾疹貧病者納官其子注趙摧粟腹即長平

死事之孤趙世家武成王十五年燕王喜使丞相栗腹約歡於趙還報燕王曰

趙壯者皆死長平其孤未壯可伐也何者義

烈之餘色氣猛厲上將效於國用下欲濟其

家聲所以憤激悽愴常思致命者也某先父

死難睢陽至德二載十月賊將尹子奇陷睢陽害張巡姚閻南霽雲等霽雲承

嗣之事存簡冊累降優詔榮及子孫爰自緜



緜超昇品秩

承嗣七歲為婺州別駕賜緋魚袋故云

肉食廩給

未嘗暫停頃守涪州屬西蜀

永正元年八月劍南

支度副使劉闢自為節度留後將致死命以盡夙心寢戈嘗

膽志願未究會刀筆之吏寘以深文首級之

差馮唐對文帝曰雲中守魏尚坐上功首今

復誰辯意以之謗馬援征交趾常得薏苡欲

人為前所載還皆明珠文犀光武大怒不能

自明猶賴舊勳謫居樂土時承嗣食人力之

粟守無事之官拳拳血誠無所陳露伏見月

制興師討伐恒冀元和四年十月制削奪成

以左神策中尉吐突承曜為招討處置使往征之蔑爾小醜尚欲逋

誅某材非古人志慕前烈願得身當一隊李陵

曰臣所將屯邊者皆荆楚勇士奇才劍客願得自當一隊效死戎行竭平

生之忠懇申幽明之冤痛撫劍心往發言涕

零嘗聞漢法有奮擊匈奴者諸侯不得擁遏

又况丞相揔軍國之重定廊廟之謀固當弘

獎無所棄捐伏乞哀憫收撫以成其心無任

懇迫惶恐之至

中書門

柳州上中書門下舉柳漢自代狀前

舉監察御史柳漢自代表同作

右伏准元和六年十月十七日勅常參官授上後三日內舉一人以自代便具所舉人兼狀上中書門下者今奏請前件官自代謹連狀

為長安等縣耆壽詣相府乞奏復尊

號狀注已具三十七卷請復尊號表

長安縣耆壽某乙若干人一本無右某等伏

以生長明時游泳皇澤鼓腹且知於帝力食

毛敢忘於君恩左氏傳食土之竊見近者祥

瑞所陳周於百郡豐稔之報均于四方有以

知上玄降靈誕告嘉應彰我君文明之化仁

育之恩大道既行鴻名未舉是以殷勤昭著

如斯而不已者也其皆陶煦純仁煦温也成

此耆老生既無補死而何求唯願上聞帝閣

復建尊號用彰聖德以報皇慈披露血誠伏

守天關糜軀碎骨猶生之年謹以今日詣光

順門輒進表訖表一作奏伏惟相公贊翊明主共

致太平而使名號尚鬱天人失望草野愚鄙

竊有惑焉伏望敷奏之際開陳其要俾下情

允達大願克從退就泉壤樂而無恨輕黷相

國伏待典刑謹狀

為京畿父老上府尹乞奏復尊號狀

長安縣耆老某乙等若干人一本無右某等

幸以羸老獲覩昇平蹈舞薰風謳謌壽域譬

之草木何以報天寤寐焦勞不知所措伏見

聖君臨御玄化升聞書玄德瑞應匝於萬方

西作答切豐報窮於四海神祇注意天地傾

心覺悟生人必有為者一作必蓋以挹旃徽

號近二十年興元元年盛德益光大名未復

致遠邇積慮幽明憤懷故自古以來嘉瑞之

至未有如今歲之盛也斯乃上玄深旨下人

懇誠勤勤相符正在於此某等眷戀明時朝

夕是切唯願早復大號以契天心庶得聖政

益光鴻化彌遠少遂踊躍之甚今請詣光順

門進表昧死上陳伏以侍郎

正元十六年十月

韋夏卿為京兆尹

道合君臣惠敷黎庶儻遂收採愚

慮致貢天庭俾草萊微誠得達萬乘非所敢

望惶懼伏深謹狀

